



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material



ՀԱՆ-ՊԱՐՈՆ

# „ԱՆՏՈՆ ՄԻՄՈՆԻՉ“

Գրամա չորս զորձողութեամբ



891.99

Ե - 24

Թ Ի Յ Լ Ի Ս

Էլեկտրոնային Տպարան «ՀԵՐԱՆԻՍ» ԲԵԿ.

Մաղաթեան փող. № 15

(107)

19 NOV 2011

445

891.99

C - 24

ՇՍ.Է-ՊՍ.ԲՈՆ

# „ԱՆՏՈՆ ՍԻՄՈՆԻՉ“

Դրամա չորս գործողությամբ



Թ Ի Ֆ Լ Ի Ս

Էլեկտրոնային Տպարան «ՀԵՐԱԼԵՍ» ՀճԿ.

Մաղաթեան փող. № 15

(107)

ԵՍ 180  
Բ. Ծ

1905 VOM 01

Дозволено Цензурою 13 мая 1905 г. г. Тифлисъ.



21291-59

### Գ Ո Ր Ծ Ո Ղ Ա Ն Ձ Ի Ն Ք

**Անտոն Սիսովիչ.**—50 ամեայ, հնամաշ, կար-  
կատած եւրոպական շորեր, գլխին ստորին աս-  
տիճանաւորի հին գլխարկ կակարտով. լղար, ա-  
լեխաղն մագերով, պոօշների մօտ խուզած բեխե-  
րով, մորուքը վեր արած:

**Մարթա.**—Սրա կինը, 40—45 տարեկան,  
հին, կարկատած, բայց վերին աստիճանի մա-  
քուր, Ախալքալաքի կանացի շորեր:

**Սաթենիկ.**—Սրանց աղջիկը, 18—20 տա-  
րեկան, պարզ, հնոտ և մաքուր եւրոպական շորեր:

**Միսակ.**—Նոյնպէս սրանց որդին, 20—22  
տարեկան, հիւանդ, վերին աստիճանի դժգոյն,  
միշտ հագում է, նոյնպէս հագած ունի կիսամաշ  
եւրոպական շորեր, գլխին ֆուրաշկայ:

**Աշոտ.**—Երիտասարդ, առողջ, մաքուր, եւ-  
րոպական նոր շորեր:

**Հաշի-Փիրու.**—Հարուստ գիւղացի, 60 տա-  
րեկան, կոշտ դիմագծերով, կոշտ, ալեխառն մա-  
գեր, գլխին թանգազին մորթեայ գլխարկ, հաստ,  
մութ կարմիր շալից չուխայ (գիւղական չերքես-  
կայ), տակից արծաթեայ կոճակներով իշիկ, որը  
կոճկուած չէ, հաստ քերման գօտի, կարմիր

II

հաստ շալից անդրավարտիկ, գօտկում հաստ ծխամորճ, ոտներին պոչերով ոտնամաններ:

Վկայ.—40 տարեկան, կիսաեւրոպական, կիսաասիական շորեր, գլխին ֆուրաշկայ:

Դատախազ.—Պաշտօնական շորեր:

Ոստիկաններ.—Նոյնպէս պաշտօնական շորեր:

Զինւոր.—Զինւորական շորեր, առանց զէնքի:

Անտօնի երկու փոքր տղան.—Նիհար, հիււանդոտ, հագած են կարկատած աշակերտական շորեր:

Ա. ԳՈՐԾՈՂՈՒԹԻՒՆ

Տեսարանը ներկայացնում է մի հասարակ սենեակ. պատերը սպիտակացրած են կրով, սենեակի աջ կողմը դրուած է մի հասարակ սեղան իր հին սփռոցով, որի վրայ կայ մի հասարակ գրիչ, մի կոտորուած թանաքաման և մի ~~անպար~~ լամպար. այս ու այն կողմը երևում են մի երկու հին աթոռներ, նոյնպէս սեղանի վրայ թափթփուած են թղթեր. ձախ կողմը երևում է մի յեծ երկաթապատ սնդուկ, որը փակուած է երեք հաս մեծ կողպանքով. սնդուկի դէմ ու դէմ դրուած է մի ին բազմոց. երկու դուռ է բացուած, մէկը բեմի դէմից, իսկ միւսը աջ կողմից. ձախ կողմը կայ երկու պատուհան:

Տ Ե Ս Ի Լ 1.

Անտօն Սիմօնիչ միայնակ

ԱՆՏՕՆ. (Կանգնած սնդուկի մօտ): Ա՛յ, ա՛յ, ա՛յ... Գէ արի ու ապրի. դեռ երէկ էր զինւորից մի ա՛մբողջ հաց առայ, այսօր արդէն չկայ... Էն էլ ի՞նչ հաց, համարեա տասը ֆունտից աւել էր, իսկ մենք՝ ես, կինս, չորս հատ էլ երեխայք՝ վեց հոգի, ասել է ֆունտ ու կէսից, կանէ ինը

Ֆունատ, դեռ մի ֆունատ էլ աւել... Էս ուր կերթայ, եթէ ամէն օր տասը ֆունատ հաց ուտեն. դեռ լաւ է, որ տեղս զօրք կայ, ֆունատը մի կոպէկի հաց ենք առնում, եթէ տեղական հացթուխներից առնենք՝ ուղղակի կքանդուենք... Է, աշխարհ. ես յիշում եմ, երբ որ ես փոքր էի, տասը կոպէկի մի ամբողջ տուն էր կառավարում, իսկ այժմ... տասը կոպէկի միայն հաց են ուտում. դէ գրանց շոր, կոշիկ, նաւթ, փայտ, մի խօսքով, որ մէկն ասեմ, ապրելը դժուարացել է... (Գրեւը վերցնելով եւ ցատկոտ նորից սեղանի վրայ շարտելով): Էս անիծածն էլ քանի գնաց էժանացաւ՝ առաջ Անտօն Սիմօնիչը միայն ինքն էր, իսկ այժմ երեկեան հորթուկը խնդիր է գրում, փաստաբանութիւն անում և ինչ գնով... մի ուրբի, երկու ուրբի, շատ շատ հինգ ուրբի... Իսկ մտաջ... հէյ, մի հասցէ գրելու համար առնում էի մի ուրբի, դեռ գիւղացու վրայ էլ պարտականութիւն էի դնում, որ միւս գալուն սեր ընծայ բերէ... Գաւառապետի մօտ թարգմանութեան գնալու համար հինգ ուրբի էի առնում և մի գլուխ պանիր... Եղբայր, այն ժամանակ թէ փող էի վաստակում և թէ գիւղացիների բերած ընծաներով էլ տուն էի կառավարում. թէ չէ ես սրտեղից պէտք է հաւաքէի քսան հազար ուրբի, խօ Մքօն չէ գործել. դէ մարդ կասեմ, եթէ այժմս էլ մէկը գրագրութեամբ այդքան փող դիզէ: (Չոզում է մնդուկի տառջ, ըաց է անում եւ **Իրո ղրո** այնտեղից դուրս հա-

նելով տոմսերը, երկիւղածութեամբ վեր է քարծրացնում): Վայ ես սրանց կարմրուն հոգուն մեռնեմ... Սրբութիւն սրբոց... (Յետոյ համբուրում է, ևրեսին քսում, կրծքին սեղմում, կողպանքները ամուր քաշում, խաշակնքում եւ վեր կենում): Օ՛, փողը շատ լաւ բան է, փող, փող, միայն փող... Թէ չէ միւս բաները դադարկ բաներ են: (Դուռը թակում են): Ո՞վ է:

**ՁԻՆԻՈՐ.** (Դրսից): Հաց չէք առնի:

**ԱՆՏՕՆ.** **Ձինուորն է:** (Դուռը քանալով): Ներս արի:

## Տ Ե Ս Ի Լ 2.

Անտօն եւ Ձինուոր

**ՁԻՆԻՈՐ.** (Ներս է մտնում կոնքի տակը երկու սեւ հաց դրած, նրա հետ ներս են մտնում Անտօնի երկու երեսխայքը 9—10 տարեկան, որոնք մատները ծրծելով ազահութեամբ նայում են հացերին)—**Բա՛ւ:**

**ԱՆՏՕՆ.** (Հացը առնելով եւ ծնող կշռելով):

Աստուծոյ բարին. թեթե է եղբայր, շատ թեթեապա միւսը տեսնեմ:

**ՁԻՆԻՈՐ.** (Տալով միւս հացը): Ի՛նչ էք ասում, պարոն, բոլոր հացերն էլ **Աշիւ** ունեն, մեզ ախր չափով են տալիս:

**ԱՆՏՕՆ.** (Չոռով կշռելով): Ինչ ուղում է

լինի, եթէ մէկը միւսից մի քառորդ ֆունտ էլ աւել լինի, դարձեալ բան է:

**ՉԻՆԻՈՐ.** Է՛, պարօն, շատ ժլատ էք. դէ մի

<sup>1/4</sup> ֆունտը ի՞նչ է որ, դրա համար մտածում էք:

**ԱՆՏՕՆ.** Է՛, եղբայր, այդ <sup>1/4</sup> կոպէկներէց է կազմուում աշխարհիս հարստութիւնը... Դէ լաւ, ի՞նչ տամ այս մէկին: (Այդ ժամանակ երկու երեխան մտանում են զինուորի յետեւից եւ սկսում են հացը քշփորել եւ ուտել):

**ՉԻՆԻՈՐ.** Տասը կոպէկ. չէ՛ որ երէկ առաք:

**ԱՆՏՕՆ.** Ի՞նչ, տասը կոպէկ. եղբայր, միայն առնողը ես եմ, ուրիշ ո՞վ է առնում, որ այդպէս թանգ էք ծախում:

**ՉԻՆԻՈՐ.** Թանգ, չէ՛ որ տեղական հացը երեք կոպէկ է, սի՛թէ ֆունտը մի կոպէկ թանգ է:

**ԱՆՏՕՆ.** Դէ լաւ, երկու կոպէկ զիջում արա՛:

**ՉԻՆԻՈՐ.** (Ուզում է հացը առնել): Ո՛չ:

**ԱՆՏՕՆ.** Ի՞նչ ես խլում, մի վախիր, չեմ ուտի:

**ՉԻՆԻՈՐ.** Ես գործ ունեմ, պակաս չի լինի, վերջ տո՛ւր երթամ:

**ԱՆՏՕՆ.** Ութ և կէս կոպէկ:

**ՉԻՆԻՈՐ.** Չարմանալի մարդ ես, պակաս չի լինի, հասկանո՞ւմ ես:

**ԱՆՏՕՆ.** Ի՛նք կոպէկ:

**ՉԻՆԻՈՐ.** Ո՛չ:

**ԱՆՏՕՆ.** Դէ դու գիտես: (Հացը տալիս է):

**ՉԻՆԻՈՐ.** (Հացը առնում է եւ ուզում է գնալ):

**ԱՆՏՕՆ.** Դէ լաւ, թող կէս կոպէկ էլ աւել լինի, տո՛ւր ինձ: (Ուզում է հացը առնել):

**ՉԻՆԻՈՐ.** (Չտալով): Պակաս չի լինի, տասը կոպէկ է:

**ԱՆՏՕՆ.** Է՛, ինչ ժլատն ես եղել, քեզ ա- սում եմ տո՛ւր, այ չեմ առնի:

**ՉԻՆԻՈՐ.** Գլուխդ քարը թէ չես առնի, ես կտանեմ խող պահողին հինգ կոպէկի կտամ, քեզ տասի չեմ տայ:

**ԱՆՏՕՆ.** Լաւ, դու գիտես:

**ՉԱՆԻՈՐ.** (Ուզում է գնալ):

**ԱՆՏՕՆ.** (Նորից դռնից յետ դարձնելով): Քեզ ասում եմ մի գնար, տո՛ւր, եղբայր, աւել աւող չկայ, առ փողերդ:

**ՉԻՆԻՈՐ.** Ի՞նչ դահլայ ես տանում, ասում եմ պակաս չի լինի:

**ԱՆՏՕՆ.** (Նորից հացերը կշռելով): Տես, տես, այս մէկը քիչ ծանր է: Ուզում ես ծանրը քեզ մնայ, թեթեւը ինք կոպէկի ինձ տուր:

**ՉԻՆԻՈՐ.** (Հացերը խլելով): Է՛, ես ժամա- նակ չունեմ, ի՞նչ ժլատն ես, մի կէս կոպէկի համար հողիդ դուրս է գալիս: (Ցատկոտ դուրս է գնում):

**ԱՆՏՕՆ.** (Յետեւից): Եղբայր, եղբայր, արի՛, լաւ, առ տասը կոպէկդ:

**ՉԻՆԻՈՐ.** (Բեմի յետեւից): Չէ՛, չեմ ուզում:

**ԱՆՏՕՆ.** (Դուրս գնալով եւ զինուորին զօռով քաշելով եւ քերելով): Մարդ Աստուծոյ, ինչո՞ւ ես նեղանում, ա՛ռ, ահա փողերդ: (Հացը առնում

և զնում է սեղանի վրայ և ուզում է զբազանից փողերը հանել: այդ ժամանակ երեխայք թափում են առած հացի վրայ և սկսում են քշփորել և ուտել): Գետինը մտնէք, չոռ ուտէք, ինչ ազահ տղերք էք. (Մէկի գլխին խփելով): Կորիք, փուչ կենդանի, քո վարող վաստակողի հէրն ահիծեմ, հա... (Տղան խիստ տեղը քորելով սկսում է մղկտալ):

**ՁԻՆԻՈՐ.** Այ մարդ, ի՞նչ եղաւ քեզ: (Ցասկոտ, իր հացից կտրելով և տալով տղերանց): Ահա, կերէք. (Դառնալով Անտօնին): Կարծես մի մեծ բան է, խեղճ տղայոց ջարդում ես:

**ԱՆՏՕՆ.** Եղբայր, դեռ դու շատ ջահիլ ես, դեռ քո շուրը գերիվեր է, դեռ ինն էլ պէտք է, որ տասը լինես. եթէ այժմեանից փոքրերին չզսպես, էգուց վեր կկենան քեզ էլ կուտեն:

**ՁԻՆԻՈՐ.** Լաւ, տուր փողերս, ես այդպիսի բաներ չեմ հասկանում, հացը եղել է ուտելու համար: Ի՞նչ է, երեխաներին քաղցած սպանես, որպէսզի շույլ չսովորեն. մի մտիկ տուր սրանց երեսին, կարծես հոխքից հոր են դուրս եկել:

**ԱՆՏՕՆ.** (Դժգոհութեամբ նրա երեսը նայելով և փողերը համարելով): Ահա մէկ կոպէկ, երկուս էլ-երեք, երկուս էլ-հինգ, երեք էլ-ութը և մի կոպէկ էլ-ինը: (Կանգ առնելով): Կարծեմ էլ փող չունենմ: (Դրապաններու որոնելով): Ձէ, էլ չկայ, դէ լաւ, թող մի կոպէկ էլ պակաս լինի:

**ՁԻՆԻՈՐ.** Ո՛չ մի կոպէկ, շուտ արա՛ մի կոպէկն էլ տուր, ես շտապում եմ:

**ԱՆՏՕՆ.** Հէր օրհնած, կարծես քրտինք ես թափել ամեն մի կոպէկի համար. խազնի հաց, քեզ ի՞նչ:

**ՁԻՆԻՈՐ.** Այ դու գետինը մտնես, Անտօն Սիմօնիչ, դեռ ես զինւոր եմ, մի կտոր հաց եմ ուտում, դու ի՞նչ ես արել (Տոյց տալով սնդուկը), որ այստեղ քսան հազար բուբլի ես դարսել:

**ԱՆՏՕՆ.** (Շփոթուած): Ի՞նչ, ի՞նչ, սուտ է, եղբայր, Աստուած վկայ սուտ է: Ես ու քսան հազար բուբլի: Ա՛խ ո՛ւր է ճիշտ լինէր, այն ժամանակ այս սև հացը կուտէի, այսպէս կհազնէի. մի՞թէ երեխաներիս կծեծէի հացի համար:

**ՁԻՆԻՈՐ.** Եղբայր, դու իմ կոպէկը ինձ տուր, քոնը թող քեզ լինի: Դէ, շուտ:

**ԱՆՏՕՆ.** Ուզիդ եմ ասում չունեմ, չէս հաւատում:

**ՁԻՆԻՈՐ.** (Սեղանից հացը վերցնելով): Լաւ, ահա փողերդ, ես ծախու հաց չունեմ:

**ԱՆՏՕՆ.** (Շտապելով քանկոնի զբազանից հանում է մի կոպէկ և տալով զինտրին, առնում է նրա ձեռքից հացը): Օ՛, ինչ ժլատ ես եղել, մի կոպէկի համար է հացը ձեռիցս խլում ես:

**ՁԻՆԻՈՐ.** Դէ զնա, լաւ է մարդ հացը շնորին տայ, քան քեզ պէսին ծախէ: (Դուրս է գնում):



## Տ Ե Ս Ի Լ 3.

Անտոն եւ Երեմիայի

ԱՆՏՕՆ. (Նորա յետեւից նայելով): Է՛, յիմարներ, ես թող ձեզանից կարողանամ մի կողէկ շորթել, դուք ինչ ուզում էք ասացէք: (Դառնանալով երեսխաներին, որոնք զինտրի տուած հացի կտորը իրար ձեռնից խլելով կրծոտում են): Կորէք անպիտաններ, դուքս, թէ չէ կսպանեմ, մարդու խայտառակում էք: (Տղայքը սարսափած, հացի կտորները կրծոտելով դուրս են փախչում): Եւ զարմանալի է այս ոչխար ժողովուրդը բոլորը ինձ թշնամի են, ասում են ի՞նչու երեսխաներիդ լաւ չես պահում, ինչո՞ւ մեծ որդուդ ուսման չես տալիս, կնոջդ ինչո՞ւ ես ծեծում: Մէկ ասա—տօ, ձեր ի՞նչ գործն է, եթէ ես աղքատ լինէի, մի կողէկ կբաշխէիք: Է՛, այդ տեսակ դուրսոցներ շատ եմ լսել, թող ես հարիւրանոցներս կարգ կարգ դարսեմ, իսկ իրենք անօթի զկուտան և ինձ ժլատ ասեն: Եղբայր, մարդկութիւնը, պատիւը, նամուսը փողի մէջ է. փողը եղաւ, դրանք ինքնաբերաբար կզան, եթէ փող չունես, վայրէջ:

## Տ Ե Ս Ի Լ 4.

Անտոն եւ Մարքոս

(Ներս է մտնում Մարթան եւ վերցնելով հացը, ուզում է դուրս գնալ):

ԱՆՏՕՆ. Ո՞ւր ես տանում: ॥

ՄԱՐԹԱ. Տղայոցը:

ԱՆՏՕՆ. Ի՞նչպէս թէ տղայոցը:

ՄԱՐ. Ա՛յ մարդ, երեսխայքը քաղցած նւում են, սա էլ շատ ես տեսնում:

ԱՆՏՕՆ. Ա՛յ ջարդուին, սատկին, գետինը մտնեն. այ նրանց վարող վաստակողին...

ՄԱՐ. Հայհոյի՛ր, հայհոյի՛ր. նրանք մեղաւոր չեն, մեղաւորը դու ես, որ պատճառ դառար աշխարհ բերելու և հիմա էլ տանջում ես:

ԱՆՏՕՆ. Լուի՛ր, յիմար կին, շատ չեն խօսի, տուր հացը: (Անում է հացը, դնում սեղանի վըրայ եւ սկսում է քարակ կտորներ կտրատել): Ա՛ռ, անձ սա Սաթենին, սա էլ Միսակին, այս երկու փոքր կտորն էլ միւս լակտաներիդ:

ՄԱՐ. Ա՛յ մարդ, խեղճ երեսխայքը սրանով կկշտանան:

ԱՆՏՕՆ. Կկշտանան, կկշտանան, զինւորը քիչ առաջ նրանց մի մեծ կտոր հաց էլ տուեց: Բաւական է, ազան ուտելը լաւ չէ, վրաս է:

ՄԱՐ. Այսօր մի երկու ֆունտ միս առ, Միսակը մեղք է, խեղճը հագում է, հիւանդ է:

ԱՆՏՕՆ. Թող սատկի, մնացել է— ի՞նչ է ա-  
նում որ, ուրիշի քսան տարեկան տղայքը փող  
են աշխատում, իսկ նա դեռ հօր փողերն է ու-  
տում:

ՄԱՐ. Նա մեղաւոր չէ, մեղաւորը դու ես:  
Ուսման չաւիր, ասիր— ինչու փող ծախսեմ: Ար-  
հեստի չաւիր, ասիր իմ հացով, իմ շորով ուրի-  
շին ծառայէ: Դու մի գործ չսկսեցիր, որովհետեւ  
փողերիցդ վախենում էիր և տղին պարապ թող-  
նելով՝ այնքան քաղցած պահեցիր ու ձեծեցիր,  
որ խեղճը այդ օրին ընկաւ:

ԱՆՏՕՆ. Կա՛ւ, շատ մի խօսիր, ես իմ բանը  
գիտեմ, գնա բանիդ:

ՄԱՐ. Ասում եմ, միս առ, գոնեայ խեղճ  
տղան մի քանի օր մնադարար կերակուր ուտէ,  
կարելի է առողջանայ:

ԱՆՏՕՆ. Փող չունեմ:

ՄԱՐ. Աստուած տայ, որ չունենաս, կար-  
ծես մեռնելիս այդ սնդուկդ էլ հետդ պէտք է  
տանես:

ԱՆՏՕՆ. Լո՛իր, յիմար կին, ասուած է ասը  
է, որ կանայք յիմար են: Դու գնա քո բուրդը  
մանիր, այդպիսի բաներ քո խելքը չի կտրում:

ՄԱՐ. Մարդ Աստուծոյ, տղան կմեռնի,  
մեղք է, ջանիլ ջիւան տղի արիւնը մի մտնիր:  
Օրական մի քանի կոպէկ ծախսելը ի՞նչ է քեզ  
համար:

ԱՆՏՕՆ. Խանութս, այդ մի քանի կոպէկը  
հօրդ տնից ես բերել, ի՞նչ է:

ՄԱՐ. Ինձ համար չեմ ասում, քո հիւանդ  
որդու համար եմ ասում, մեղք է:

ԱՆՏՕՆ. Ասում եմ գնա, կորիր հա՛, թէ չէ  
եկաւ:

ՄԱՐ. Ինձ սպանիր, խնդրում եմ, վերջ  
տուր այս չարքաշ կեանքիս, ես չեմ կարող դի-  
մանալ այս բոլորին:

ԱՆՏՕՆ. (Կատաղած վրայ հասնելով): Ա-  
սում եմ գնա, թէ չէ կջարդեմ:

ՄԱՐ. Սպանիր, ես մեռնելուց չեմ վախե-  
նում, աւելի լաւ չէ՞ մեռնել, քան այսպէս  
ապրել:

ԱՆՏՕՆ. (Բռունցքով դէմքին դրոշելով): Այ  
դու անամօթ, լիրբ կին, հեռացիր, ասում եմ:

ՄԱՐ. (Լալով): Վատ, կեղտոտ, անամօթ:

ԱՆՏՕՆ. (Նորից բռունցքով կոնակից հըն-  
լով): Կորիր, կորիր, էլ լրբութիւնից չգիտես  
ինչ ես անում:

ՄԱՐ. (Թքելով Անտօնի նրեսին): Թիւհ քո  
երեսին, անպիտան մարդ:

ԱՆՏՕՆ. (Թուրք սրբելով ևւ գլուխը թա-  
փահարելով): Դէ, արի ու մի ձեծիր: Անիծուիս,  
սատանայ, թիւհ... (Դուրը քանալով, ատամները  
կրճտացնելով, զօռով դուրս գնելով Մարթային):  
Դնւրս, իժի ծնունդ, բաւական է, քո հերն էլ  
անիծած, քո հիւանդ որդուն էլ: (Դուրը ծածկե-  
լով, քարկացած յետ ու առաջ գնալով): Այ  
բան, ես փողերը նրանց համար եմ աշխատել,  
որ բոլոր խողի պէս ուտեն, կարծես քիչ է լա-

կոտների համար հացը, միս էլ է ուզում. միս, չէ՛, գրողս ու մահս թող ուտեն. մեռնում են թող մեռնեն, ինձ ինչ, խելք ունեն, թող ապրեն, թէ չէ Աստուած բարի ճանապարհ տայ: Տեսար դո՛ւ, ասում է— վատ. կեղտոտ, անամօթ, թքում է երեսիս, լաւ պարկեշտ կին է, չէ՛, կարելի է էգուց էլ մի լաւ ծեծել տայ, ով գիտէ, կինը որ կատաղի, սարսափելի է. եթէ մի քիչ էլ ուշ դուրս անէի, կարելի է ճանկերով ինձ խեղտէր: (Գլուխը թափահարելով, սի երկու պտոյտ ման գալով եւ կանգնելով): Ժամանակ է դուրս գնալու, մի գիւղացու համար խնդիր պէտք է գրեմ, հինգ բուբլի արժէ, լաւ փող է, եթէ օրը այդ պիտի երկու գործ ճանկեմ, էլ ինձանից երջանիկ մարդ չի լինի: (Գլխարկը առնում է, սնդուկի կողպանքներին նայում, վրան երեք մատով խաշակնքում եւ դուրս է գնում):

Տ Ե Ս Ի Լ 5.

Սաբեն եւ Միսակ

ՄԻՍԱԿ. (Սաթենի հետ ներս մտնելով եւ մեղմութեամբ երկու երեք անգամ հազալով): Քոյրիկ, ինչ պէտք է լինի մեր դրութիւնը. ես Ֆիզիքապէս հիւանդ, հայրս հոգեպէս. միւս եղբայրս զեռ փոքր, իսկ դու և մայրս էլ անճար... (Հազում է): Է՛հ, ինչ վատ բան է եղել աշխարհս, ինչու համար ենք ապրում, իրար հետ կռուելու,

21291-19

վիճելու, անպատուելու, իրար ձեռից մի կտոր չոր հաց խլելու և կրծոտելու... Առհասարակ ես չեմ հասկանում, թէ մարդիկ որտեղից են գտել երջանկութիւն բառը, քանի որ իրապէս չկայ:

ՍԱԹԵՆ. Միսակ, մենք յոյսերս Աստուածանից չպէտք է կտրենք, նա մարդկանց ստեղծել է և տուել է ապրելու համար միջոցներ և մարդիկս էլ պէտք է համբերութեամբ տանենք մեր վիճակը:

ՄԻՍԱԿ. (Նստելով ըագմոցի վրայ): Այն, տանել, միայն որքան որ մարդկային ուժը կուտէ. բայց հանգամանքները ինձ դարձրել են շատ թոյլ և եթէ մի քիչ էլ ձգուի, կկտրուի: Չեմ հասկանում, քանի որ վերջի վերջոյ պէտք է կտրուի, արդեօք յիմարութիւն չէ համբերելը:

ՍԱԹ. Համբերութիւնը կեանք է, ասում է իմաստուն առածը, ո՞վ գիտէ էգուց մեզ համար ինչ արև կծագէ:

ՄԻՍ. Բայց... (Հազում է): Ախր ինչումն է մեր կեանքի արևի ծագումը:

ՍԱԹ. Կառողջանաս, կկաղզուրուես և այն ժամանակ այդ սև-սև մտքերն էլ կհեռացնես քեզանից, մեր արևի ծագումը այդ կլինի:

ՄԻՍ. Բայց արդեօք հիւանդութիւնս արդիւնք է սև-սև մտքերի, թէ սև-սև մտքերի արդիւնքն է հիւանդութիւնս: Եթէ վերջինն է, ուրեմն և իմ հոգեկան աշխարհը սև է և կմնայ սև:— Ա՛խ, Սաթեն, ծնածս օրից մի ժպիտ չեմ տեսել, ծնածս օրից միայն տեսել եմ հորս դաժան դէմ-



քը, կծկուած բռունցքները և մօրս լացրտ աչքերը... Իսկ դ՛ուք... խեղճ երեխաներ, միշտ կըծկուած, սարսափած մի փշուր սև հաց անով-դողով կըծոտել էք և մինչև այժմս ապրել հայհոյանքի տարափի և ծեծի տակ... Օ՛, արևի ծագում, սև ու մութ լինէր այն արևը, որ բաշխեցին ինձ... (Հազում եւ կուրծքը <sup>բաշխում է</sup>):

ՍԱԹ. (Հացոտ վօտ վազելով եւ քննելով նորը): Հանգստացիր, եղբայր, դառնացած կեանքս աւելի մի դառնացնի, խղճան մեզ և առողջութիւնդ պահպանիր:

ՄԻՍ. Արդեօք ինչի՞նք եմ ես պէտք, մի փալաս, մի պալարոտ մաի կտոր, մի բեռ. իմ ներկայութեամբ աւելի կծանրաբեռնեմ ձեր առանց այն էլ ցաւերով լի կեանքը:

ՍԱԹ. Մի ասիւր, մի խօսիւր... (Սսկսում է լաց լինել եւ թաշկինակով աչքերը սրբել): Բաւական է, չեմ կարող տանել այդպիսի խօսքեր:

ՄԻՍ. (Յուզուած քննելով քրոջ ձեռքը): Միբերի Սաթեն, հանգստացիր, ինչո՞ւ ես լաց լինում. դէ սիրտս հանգստանում է, երբ այնտեղից մազձը դուրս եմ թափում:

ՍԱԹ. (Աչքերը սրբելով): Միսակ, ասան, ինչով կարող եմ փաբատել թախիձդ, ասան, ես կեանքս էլ կտամ, որպէս զի դու գոնեայ մի բոպէ երջանիկ զգաս քեզ:

ՄԻՍ. (Հիգնական ժպիտով): Երջանիկ զգամ... Երջանկութիւնը տրամադրութիւնից է. օրինակ, այդ երեք մեծ կողպանքով սնդուկը

հօրս երջանկութիւնն է, միթէ ես երջանիկ կլինէի, եթէ ունենայի այդպիսի հարիւր սնդուկ. սչ, այդպէս էլ ամեն մի բան ինձ համար աշխարհում փուշ է: Միայն մի բան կայ, որին ձգտում ենք բոլորս և որի մէջ բոլորս էլ հաւասար երջանիկ կլինենք... Դա գերեզմանն է, սանն, աղքատ, անպաճոյճ երջանկութիւն. երջանկութիւն հաւասար, ընդհանուր և պաւիտենական. իսկ աշխարհային երջանկութիւնները, գանազան փառքերը, պատիւները, փողը, — դրանք բոլորը ունայն են, ունայն ինչպէս ամեն մի շունչ, մի իր կամ մի բան... (Հազում է):

ՍԱԹ. (Շոյելով Միսակի մազերը): Վերջ տանք այս խօսակցութեան. չէս գայ գնանք այսօր դէպի ծաղկոտ բլրակը մանգալու:

ՄԻՍ. Ո՛չ, բոյրս, թոյլ եմ գգում, յոգնում եմ, ներիւր ինձ... (Հազում է): Դէ լաւ, գնանք... (Դուռը թակում են): Մափր:

Տ Ե Ս Ի Լ 6.

Նոյնք եւ Աշոս

ԱՇՈՏ. (Ներս մտնելով): Բարև ձեզ: (Ձեռք է տալիս Միսակին եւ յետոյ Սաթենին. Սաթենին ձեռ տալու ժամանակ փաղաքշանքով ժպտում է): Ի՞նչպէս ես Միսակ, առողջութիւնդ լաւ է:

**ՄԻՍ.** Լաւ է, միայն չգիտեմ ինչու այսօր  
գրգռուած եմ:

**ՍԱԹ.** Ես յիմար էի, այնպիսի խօսակցու-  
թիւն սկսեցի, որ դու յուզուեցիր:

**ԱՇՈՏ.** Դուք ինչպէս էք, օրիորդ, աչքերդ  
ինչձեռն են թաց:

**ՍԱԹ.** Ոչինչ, այնպէս:

**ՄԻՍ.** Յիմարութիւն է անուձ, ես խօսում  
եմ, նա լաց է լինում: Բայց թողնենք այդ: Աշոտ,  
մանգալու կգաս, Սաթենին էլ հեռներս առնենք  
և շրջագայութեան գնանք:

**ԱՇՈՏ.** Ուրախութեամբ:

**ՄԻՍ.** (Վեր կենալով): Քիչ սպասեցէք, ես  
տաք շորերս հագնեմ, իսկոյն կգամ: (Գնում է):

### Տ Ե Ս Ի Լ 7.

Աens եւ Սարեն

**ԱՇՈՏ.** (Դիտակի գնալուց յետոյ մօտենալով  
Սաթենին եւ ձեռք համըռնելով): Հոգիս, դէ ա-  
սա, ինչպէս ես:

**ՍԱԹ.** (Տխուր): Է՛, Աշոտ, ինչպէս պէտք է  
լինեմ, ժլատ հօրս դարդը մի կողմից, խեղճ եղ-  
բօրս հիւանդութիւնը միւս կողմից ինձ բոլորո-  
վին յուսահատեցնում են:

**ԱՇՈՏ.** (Ետնդուտ): Սաթեն, ես կամ քեզ  
համար, ես քեզանով եմ երջանիկ, դու ինձանով  
եղիր: (Համըռնում է): Օ՛, Սաթեն, միթէ այն-

քան յոյս չունես ինձ վրայ, որ կարող եմ դար-  
դիրդ դարման անել. է, յոյս Աստուած, շատը  
գնաց, քիչը մնաց, ես քո ձեռքը կխնդրեմ և ձեր  
ամբողջ ընտանիքի ապրուստը ուրախութեամբ  
ես կհոգամ, իսկ խելագար հայրդ եթէ ուզում է  
թող մեզ հետ հանգիստ ապրէ, եթէ ոչ թող իւր  
անդուկը շալակէ և ուր ուզում է այնտեղ գնայ:

**ՍԱԹ.** Ա՛խ, Աշոտ, հայրս, ՝ հայրս... Միթէ  
մի ճար չկայ, որ այդ խեղճին էլ փրկենք, այդ  
խեղճին էլ հասկացնենք, որ չի կարելի ապրել  
այդպէս դձուձ, անպատիւ, խայտառակ, որ ինքն  
էլ մարդ է, ունի մարդկային պարտականու-  
թիւններ:

**ԱՇՈՏ.** (Սաթենին կրծքին սեղմելով): Մի-  
րելիս, դա էլ կլինի, երբ նրանից մենք իր պաշ-  
տած փողից ոչ մի կողակէ չուզենք և մինչև ան-  
գամ իրեն էլ մենք պահենք, այդ դէպքում նա  
կամաց-կամաց կմեղմանայ, նրա կնճիռները տե-  
ղի կտան ուրախ ժպտի, նրա գրգռուած և կատա-  
ղի հայեացքը կգառնայ շոյող և իր անդուկը պաշ-  
տելով հանդերձ՝ մեզ համար էլ կլինի բարի հայր:

**ՍԱԹ.** (Կաթոզին համըռնելով Աշոտին): Օ՛,  
սիրելիս, ինչով ես պարտական դու մեզ, ինչու  
մենք պէտք է ծանրանանք քո վրայ. դու մի  
խեղճ ուսուցիչ, միթէ կարող ես ապրեցնել մեզ  
բոլորիս:

**ԱՇՈՏ.** (Գոռնելով): Այն օրից, երբ քո սեւ-  
չերը իմ պաշտամունքը դարձան, երբ քո մազե-  
րի թաւիչ հաւսակները իմ գգուանքի առարկան

եղան, այն օրից քո վիշտը իմ վիշտն է, քո ցաւը իմ ցաւը, և ինչքան որ կարող եմ պիտի աշխատեմ, որ կարողանամ փարատել թախիժդ այդ գողարիկ երեսից... (Փարուելով և համըտընելով): Օ՛, Սաթեն, Սաթեն, որքան քաղցր է այս գուրգուրանքը, որքան անսուշ... Ա՛, կեանքը թող բեռնէ որքան կամենայ, հանգամանքները թող ճնշեն, որքան կուզենան, իմ մէջքը ամուր է, կոնակը պինդ, կտանեմ, կտանեմ քո սիրուդ համար:

ՍԱԹ. (Թախծոտ ժպտով շոյելով Աշոտի մազերը): Սիրելիս, բայց չէ՞ որ ամեն մի ուժ իբր չափն ունի, եթէ չափից աւել բարձուի, կընկճուի... (Համըտընելով): Իսկ ես չեմ ուզում, որ իմ պատճառով դու վասնես քո բոլոր ուժերը... Թող սիրելիս, թող սիրենք իրար, բայց իրար վրայ չձանրանանք... (Լացով գլուխը յենելով Աշոտի ուսին): Ինչո՞ւ պէտք է դու ինձ համար տանջուես, ինչո՞ւ կրես զրկանք, տանապանք: Այդ բոլորը ես ուրախութեամբ կտանեմ, ես սիրոյ դէմ վարձատրութիւն չեմ ուզում: Միակ անվաճառ մի բան կայ աշխարհումս, դա էլ վաճառուի. ո՛չ, Աշոտ, ինձ համար ծանր է քո գոհողութիւնը:

ԱՇՈՏ. (Յուզուած զգուելով): Սաթեն, ազաւում եմ վերջ տուր լացիդ, գիտացիր, որ իմ գոհողութիւնը ո՛չ թէ քեզ համար է, այլ ինձ, որովհետեւ եթէ իմ պաշտած էակը, իմ ամենանուիրական սրտիս հատորը տանջուի, միթէ տանջ-

ւողը ես չեմ լինի. եթէ քո սէզ աչերը արտասուենք է ցողում, միթէ իմ սրտից արիւն չի կաթում. ո՛չ, Սաթեն, խելօք եղիր, եթէ դու քեզ կմտնես տանջանքի, ուրեմն և ինձ կտանջես՝ եթէ դու քո մէջ կխեղդես թախիժն ու վիշտը, ուրեմն և իմ հոգին կճմլես... Եւ ինչ գոհողութիւն ինձ համար, ես աշխարհումս միայնակ եմ, ոչ մի պարտականութիւն ինձ մարդկանց հետ չէ կապում, և ես այդ ազատ ոյժս ուրախութեամբ կնուիրեմ իմ սիրած էակին... (Համըտընելով): Սաթեն, ես այսօր իմ սէրը կըյայտնեմ եղբօրդ և նրա հետ կխորհրդակցենք, թէ ինչպէս առաջարկենք այդ բանը հօրդ:

ՍԱԹ. Դու գիտես, որ ես ոչինչ չուզեմ, ես երախտիքից և սիրուց զատ ուրիշ ոչ մի բան չեմ տածում դէպի քեզ: Վարուիք ինչպէս կամենում ես: (Ներս է մանում Միսակը. Սաթենը և Աշոտը իրարից հեռանում են):

### Տ Ե Ս Ի Լ Ծ.

Սաթեն, ԱՇՈՏ և Միսակ

ՄԻՍԱԿ. Ես պատրաստ եմ, գնանք:

ԱՇՈՏ. Սիրելի Միսակ, երկու խօսք ունեմ, եթէ կարելի է յայտնեմ քեզ, յետոյ գնանք:

ՄԻՍ. Ուրախութեամբ: (Նստում է):

ԱՇՈՏ. Միսակ, մենք վաղուց իրար ճանաչում ենք, դեռ Ներսիսեան դպրոցումն էինք,

որտեղից հայրդ քեզ դուրս բերելով՝ ինձ անասելի վիշտ պատճառեց: Դրանից յետոյ երբ ես աւարտեցի և վերադարձայ հայրենիք, իմ ամենամօտիկը դարձեալ դու ես եղել, մենք միշտ իրար յարգել, իրար սիրել ենք և չգիտեմ այդ յարգանքի, սիրոյ արդասիքն էր, թէ մի ուրիշ բան, իմ սրտում առկայծեց մի ուրիշ սէր, իմ հոգին հալուեց և իր մէջ ձուլեց մի ուրիշ հոգի, ես սիրահարուեցի: Չգիտեմ արդեօք նկատում էք թէ ոչ, բայց ես միշտ անհանգիստ էի, յուզուած, տարտած դրութեան, որոնք բուռն սիրոյ արգասիք են: Այժմ կյայտնեմ, որ ես սիրում եմ Սաթենին և ցանկանում եմ ամուսնանալ նրա հետ:

**ՄԻՍ.** (Մի ըստէ խորհելով): Սիրելի Աշոտ, դա մի այնպիսի բան է, որ ոչ ինձանից է կախուած և ոչ էլ մի մի ուրիշից, դա լոկ ձեր երկուսիդ ցանկութիւնն է, եթէ սէրը փոխադարձ է, այդ դէպքում իմ կամ մի ուրիշի միջամտութիւնը աւելորդ է: (Սաթենին): Քոյրս, ցանկանում ես ամուսնանալ Աշոտի հետ:

**ՍԱԹ.** (Ամօթխած): Այո, եթէ այդ հաճելի է քեզ:

**ՄԻՍ.** Աշոտ, գիտցիր, որ մեր տեղական սովորութիւնները համեմատ չյուսաս ոչ մի բան. քոյրս անս սա է, ինչոր կայ, ոչ մի բանի ակընկալութիւն չպէտք է ունենաս:

**ԱՇՈՏ.** Դրանք աւելորդ խօսքեր են, ես և դու եղբայր ենք, ես ոչ մի պահանջ չունեմ և

ոչ մի բան չեմ ուզում: Գիտեմ հօրդ բնաւորութիւնը:

**ՄԻՍ.** (Մոայլուելով): Հայրս... Այո, այս ամուսնութեան ամենամեծ խոչնդոտը... Նա կարելի է դժուարանայ իր ազջիկը տալ մի աղքատ վարժապետի: Բայց ոչինչ, կվերացնենք այդ խոչընդոտը: (Սաթենին): Մօտեցիր, քոյրս, դա՛ն կպիր կեանքիդ յաւիտենական ընկերոջ հետ, դրոշմիր այդ դաշը փոխադարձ սիրոյ համբոյրով, եկ... (Աշոտը եւ Սաթենը համըռուում են): Է՛յ աշխարհ, քիչ առաջ ես ընկել էի ունայնութիւնների յետևից, երջանկութիւն բառը ես սուտ էի համարում, իսկ այժմ պիտի մողթեմ, որ երջանիկ լինեք... Երջանիկ եղեք, քոյրս և եղբայրս, դառնութիւնը, լացը ձեզ համար նոյնքան հազազելու լինեն, ինչոր ինձ համար է երջանկութիւնը:

Տ Ե Ս Ի Լ Գ.

Նոյնք և և Անտոն

**ԱՆՏՈՆ.** (Ուրախ ուրախ ներս մտնելով, երկու կռնատակին տալրակներով տանձ ու ինձոր, զրպանում մի շիշ օղի): Է՛, բարե տղայքս: (Բոլորը զարմացած շարժում են անում): Այսօր ուրախութիւն է մեզ համար, մեծ ուրախութիւն: Ազջիկս, Սաթեն, արի ձեռս համբուրիր: Տղաս. Միսակ, դուն էլ մօտեցիր. Աշոտ, դուն էլ տղիս

եղբայրն ես, արի, խնձոր վերցրո՛ւ... Ուրախութիւնը մեծ է... (Բոլորը շուարած կանգնած են): Չգիտէք ի՞նչ է. այ, սրանք, այս խնձորը, տանձը, այս արահն էլ խնամին առաւ... Հէ, մի լաւ խմեցինք, սրանք էլ տուն բերի...  
 ՍԱԹ. Հայրիկ, ի՞նչ խնամի, ի՞նչ ուրախութիւն:

ԱՆՏ. Դէ, արի, արի, ձագս, քեզ նշանեցի և հինգ հարիւր ըուբլի գլխագին առնելով՝ տուի աւկանացի Հաջի-Փիլոսի տղին... (Բոլորը շշմած սլաղ-սլաղ մտիկ են տալիս Անտոնին, ինքն էլ մի ըոպէ շշմում է եւ փոխադարձ նրանց մտիկ տալիս):

Վ Ա Ր Ս Կ Ո Յ Ր

## ԳՈՐԾՈՂՈՒԹԻՒՆ Բ.

Նոյն տեսարանը, ինչ որ առաջին գործողութեան մէջ էր:

### Տ Ե Ս Ի Լ 1.

Մարթա եւ Սարեհ

ՍԱԹ. (Մարթան նստած քաղցոցին գուլպայ է գործում, Սարեհն շոգած քաղցոցի առաջ՝ թաշկինակով աչքերը սրբելով լաց է լինում):  
 Չեմ կարող, մայրիկ, ուժերիցս վեր է, ես ինչպէս կարող եմ այդ գոեհիկի կինը լինել:

ՄԱՐԹ. Սարեհ, խելքի արի, ինչ արած, հայրդ այդպէս է կամենում: Մէկ էլ որ ինչ պահաս տղայ է, հարուստ, առողջ, միայն ուսում չունի, ուրիշ ոչինչ:

ՍԱԹ. Ես ոչինչ չունեմ, մայրիկ, բայց ուրիշին եմ սիրում, չեմ կարող այդ երկրորդին սիրել, ինձ համար ուրիշ ամուսին, միևնոյն է թէ դժոխք:

ՄԱՐԹ. Էլի ասում ես, դէ ինչ անենք, հայրդ որ հակառակ է:

ՍԱԹ. (Վեր կենալով յուզուած): Հակառակ:



է, թող հակառակ լինի. ես ուզում էի, որ ծնողներին սրտով լինի, բայց քանի որ նրանք կամենում են իմ սէրը խեղդել, դրա համար սրանից յետոյ ինձ համար որդիական պարտականութիւն չկայ:

ՄԱՐԹ. Աղջի, ինչեր ես խօսում, խայտառակ կլինենք. խելօք եղիբ, Սաթեն, ինչ կայ որ, քիչ են եղել սիրահարուածներ, որ յետոյ իրար չեն առել, ինչ է, նրանք չէն ապրում:

ՄԱՐԹ. Մայր, եթէ խայտառակութեան հարց կայ, Հասեմ, խայտառակ կլինենք այն ժամանակ, եթէ ինձ չտաք Աշոտին,

ՄԱՐԹ. Ինչո՞ւ:

ՄԱՐԹ. Որո՞հետեւ ես նրան խօսք եմ տուել, որովհետեւ նա ինձ համբուրել է, ես չեմ կարող թոյլ տալ, որ այդ բոլորից յետոյ մի ուրիշի հետ ամուսնանամ:

ՄԱՐԹ. Մեղասու Աստուած, աղչի բաւական է, բաւական: Չես էլ ամաչում, մօրդ մօտ այդպիսի բաներ ես խօսում:

ՄԱՐԹ. Մայր, աւելի մեծ խայտառակութիւն կլինի, եթէ այս բոլորը խելուց յետոյ, նորից ինձ ամուսնացնէք Հաջի-Փիլոսի տղի հետ. այն ժամանակ թոյն կիմեմ, կսպանեմ ինձ:

ՄԱՐԹ. Հերիք է խելառ-խելառ դուրս տաս, ինչ յիմար բաներ ես խօսում:

ՄԱՐԹ. Հաւատացնում եմ, մայրիկ, լուրջ եմ ասում:

ՄԱՐԹ. Դէ լմա, շատերն են ասել:

ՄԱՐԹ. Քչերը կատարել են, այդ քչերից մէկըն էլ ես կլինեմ:

ՄԱՐԹ. (Յուզուած): Մարդ Աստուծոյ, հոգիս մի վրդովիր, ի՞նչ անեմ, սօր ջուրն ընկնեմ, դադեցիք է, դադեցիք:

ՄԱՐԹ. (Յուզուած լացախառն): Մայրիկ, ես ինչ անեմ, ի՞նչու էք դօռով ինձ դժոխք գցում: Ես չեմ կարող Հաջի-Փիլոսի հաքսը լինել: Ոսկի շատ ունի, թող իրա համար պահէ, ինձ համար Աշոտի չոր հացը աւելի քաղցր է, քան թէ նրա ոսկու կոյտերը:

ՄԱՐԹ. (Յուզուած): Սաթեն ջան, ի՞նչ անեմ, իմ ձեռը ինչ կայ որ. հայրդ այդպէս է ուզում, ի՞նչ արած, դուն էլ մոռացիր Աշոտին և այսնոր բախտի յետեից գնայ:

ՄԱՐԹ. Մայր, վերջին անգամն եմ ասում, ես Հաջի-Փիլոսի տղի ամուսինը չեմ կարող լինել, հակառակ դէպքում, ես իմ ոտովը, առանց ձեր համաձայնութեան կգնամ, Աշոտի յետեից:

ՄԱՐԹ. Ի՞նչ, ի՞նչ, Աստուծոյ սիրուն, ի՞նչ ասացիր:

ՄԱՐԹ. (Շեշտելով): Այն, որ եթէ դուք համաձայնութիւն չտաք Աշոտի հետ ամուսնանալու, այդ դէպքում ես իմ ոտքով կերթամ Աշոտի յետեից:

ՄԱՐԹ. Վայ ձիւնը գլխիս, Սաթեն, բա՛ւ մօթը, բա՛ նամուսը...

ՄԱՐԹ. Բոլորովին ամօթ չէ, եթէ սիրածը սիրածին է ամուսնացնում, այլ ընդհակառակը պատիւ է:

**ՄԱՐԹ.** Սաթեն ջան, ինչեր ես խօսում, ախր դա ամօթ է, խայտառակ կլինենք:

**ՍԱԹ.** Ամօթ է, ամօթ չէ, այդ դուք մտածեցէք, ես վճռել եմ, հակառակ դէպքում ես իմ ուսով կգնամ, ահա իմ վերջին խօսքը: (Դուրս է գնում):

**ՄԱՐԹ.** (Միայնակ, յուզուած): Գետինը մըտնէք, գետինը, ինձ դադեցիք, դադեցիք է. ինչ անեմ, մարդս որ անաստուած, անօրէն, անդատաստան մէկն է, նա որ մի բան ասաց՝ պէտք է կատարուի, իսկ աղջիկս էլ կանգնել է ու այդպիսի բաներ է խօսում. խայտառակ կլինենք, խայտառակ: Չգիտեմ ինչ անեմ: (Միջոց, գուլպան է զործում): Մի կողմից աղջիկս ուղիղ է ասում, սէր Աշոտը, սէր Հաջի-Փիլոսի տղան Մաթոսը: Ասում են Հաջին ոսկի շատ ունի, ին հողեմնրա գլուխը, ոսկին ինչին է պէտք, երբ զործադրելու եղանակը չգիտէ: (Յոյց տալով սնդուկը): Ահա մենք էլ շատ ունենք, դրանով ինչ:

## Տ Ե Ս Ի Լ 2.

Մարթա եւ Անտոն

**ԱՆՏՕՆ.** (Ներս մտնելով): Ա՛ կնիկ, քէֆ, քէֆ, Հաջի-Փիլոսը այսօր գիւղից էլ ինչ ասես բերել է. էլ գառ, էլ սեր, էլ հաւ, մի խօսքով մարդը կատարեալ մարդ է:

**ՄԱՐԹ.** Ի՞նչ անեմ, աղջկայ սրտով որ չէ:

**ԱՆՏՕՆ.** Գլուխը քարն է տուել աղջիկը, ես որ ասի, վերջացաւ: Ա՛յ դմբօ, հինգ հարիւր ըուբլի միայն գլխագին է տալիս:

**ՄԱՐԹ.** Անտօն, դա էլ մեզ համար խայտառակութիւն է, այդ սովորութիւնը քաղաքում բուրովին չկայ, գիւղերումն էլ վերջանում է, իսկ դու հարուստ մարդ աղջիկդ փողով ես ծախում: Մէկ էլ որ մեզ ինչ, այդ փողերը էլի աղջկանդ վրայ պէտք է ծախես:

**ԱՆՏ.** Տուտնց, տուտնց, ախր ասել են է, կնոջ խելքն ու հաւի խելքը մէկ է: Տօ, թող Հաջի-Փիլոսը հինգ հարիւր ըուբլին իմ բուր համարէ, ով ինչ ուզում է թող ասէ. այնքան են մսերս կերել, որ ինչ եղաւ, հազարներս աւելի շատացան: Իսկ ինչ վերաբերում է հինգ հարիւր ըուբլու ծախսելուն, ես գիտեմ իմ բանը, խնամուս իշացնելը հեշտ է, էլի ամենաքիչը մի երկու հարիւր ըուբլի յետ կձգեմ: Էլ ինչ ես ուզում, համ աղջիկս մի շնորհալի, հարուստ մարդու հարս կլինի, համ էլ մի երկու հարիւր ըուբլի կշահուենք:

**ՄԱՐԹ.** Այդ բոլորը լաւ, բայց էլի կրկնում եմ, որ աղջիկը չի ուզում նշանուել Հաջի-Փիլոսի տղի հետ:

**ԱՆՏ.** Կուզէ, կուզէ, կկակդանայ կուտէ, այդպիսիները այնքան ենք տեսել սր... Թէքմաճոնց աղջիկն էլ շատ վեր-վեր ընկաւ, բայց յետոյ ինչպէս սուս ու փուս պսակուեց, աշխարհս

այդպէս է, պառաւն էլ դժուր չէ գնում, բայց հրելով կտանեն:

**ՄԱՐԹ.** Անտօն, աղջիկը ուղղակի յայտնեց, որ եթէ դուք, ասում է, յօժար կամօք ինձ չէք ամուսնացնի Աշոտի հետ, այդ դէպքում ես իմ ոտով կգնամ Աշոտի մօտ:

**ԱՆՏ.** (Կրքրտա): Ի՞նչ, իր ոտով կգնայ. ես նրան ոտով գնալ խրատ կտամ: Դէ, բաւական է, այդպիսի յիմար բաներ մի խօսի:

**ՄԱՐԹ.** Չէ, Անտօն, այդպէս չի կարելի, չէ որ աղջկայ սրտովն էլ պէտք է լինի. և մեզ ինչ, նա Աշոտին է ուզում, թող առնէ, զլուրը քարը թէ ինչ վիճակ կունենայ:

**ԱՆՏ.** Ի՞նչ, Աշոտին առնէ, այդ քաղցած շանը. չէ, չէ, խանութն, ես ժամանակ չունեմ, որ էգուց էլ այդ անոթու լակոտներին կերակրեմ: Ֆո՛ւ, վարժապետի կին. տուտո՛ւց, տուտո՛ւց, Աշոտը երեք հարիւր ըուրլի ոտճիկ է ըստանում, իսկ Հաջի-Փիլոսի մի գոյգ եգն է այդքան աշխատում. ախր կին էք է. տօ, Հաջի-Փիլոսի ախոռից դուրս եկած աղբի եկամուտը հաւասար է այդպիսի երկու ուսուցչի ոտճիկին... չգիտեմ, չգիտեմ, մի խօսքով վճռուած է, Սաթեհը ինչ ուզում է թող ասի, նա պիտի Հաջի-Փիլոսենց տունը հարս գնայ:

## Տ Ե Մ Ի Լ 3.

Անտօն, Սարբա եւ Միսակ

**ՄԻՍ.** (Դժգոյն, հագալով ներս մտնելով): Հայր, այս երկու օր է լսում եմ թէ ինչ է անցնում մեր տանը... (Հագալով): Թէեւ ես էլ այս տան անդամն եմ, որդիերանցդ աւագը, բայց ցաւօք սրտի ինձ խորհուրդ չէք հարցնում... Լաւ, թողնենք այդ... Հայր, ի սէր Աստուծոյ, միք անէ այդ բանը, դրանով միկնոյն է թէ աղջկանդ կսպանէք: Աղաչում եմ, պաղատում, միք անէ:

**ԱՆՏ.** (Հեգնելով): Ի՞նչ էք հրամայում, պարո՞նս, ի՞նչ, քեզ պէս անպէտքն էլ աւելացնեմ տանս: Լաւ, լաւ, ինչու չէ, է էլ բան ունես աւելու...

**ՄԻՍ.** Հայր, խնդրում եմ միք հեգնէ, ես բան եմ ասում ձեզ, թողէք ձեր գծայճ հաշիւները: Ես... (Հագում է) ասում եմ, որ սպանած կլինէք ձեր աղջկանը, եթէ նրան Աշոտի հետ ամուսնացնելու տեղ ամուսնացնէք մի ուրիշի հետ:

**ԱՆՏ.** (Կրքրտա): Է՛, յիմար, այդ քո գործը չէ, դու դեռ գնա հաց կրծիր, ես գիտեմ թէ ինչ եմ անում:

**ՄԻՍ.** (Յուզուած): Հայր, խնդրում եմ, մի անարգիր:

**ԱՆՏ.** Լո՛իր, դադարկապորտ, հօրդ վրայ բեռ ես եղել բաւական չէ, եկել ես այժմս էլ հրա-

մաններ ես արձակում: Ի՞նչպէս չէ, Աշոտին տաս: Տօ, մէկ գնա դու քո գլխի ճարը տես, յետոյ արի ուրիշի համար մտածիր, ախմախ...

ՄԻՍ. Ամօթ քեզ, չես ամաչում, խղճի կտոր չկայ քո մէջ... (Պարտխնդաց): Հայր, հայր, մտածիր թէ ինչ ես անում, ի՞նչու ես անարգում ինձ, մի՞թէ ես էլ մարդ չեմ, իմ մէջ չկայ պատուի զգացում... Էլ ինձ ի՞նչու բերիր աշխարհ, միայն տանջելու, անուանարկելու, անպատուելու... Օ՛, հայր, հայր...

ԱՆՏ: Լո՛ւր, խնդո՛ւ, դեռ քիթդ սրբիր, յետոյ այդպիսի բաների մասին խօսիր... Տօ չես էլ ամաչում, մի օր մի կոպէկ վաստակե՛լ ես, մի օր մի երկու ֆունտ հաց բերե՛լ ես, մի օր ասել ես, թէ հայրս մեղք է, ես էլ փող վաստակեմ. ո՛չ, ինչ կարիք կայ, դէ հայրս պահում է, նստեմ և ուտեմ:

ՄԱՐԹ. (Յուզուած): Ա՛յ մարդ, բաւական է, ինչ ես խեղճ տղի յետեից ընկել, մեղաւորը դու ես, որ նա անգործ է, դու այնքան անխիղճ ես, որ չես խնայում հիւանդ տղին և էլ ինչ ասես, որ չես թափում նրա գլխին:

ՄԻՍ. Մայրիկ, մի խօսիր, թո՛ղ, թո՛ղ նա լուսանքները թափէ գլխիս, շատ շատ մի ամիս, երկու ամիս կեանք ունեմ... Իմ հաշիւը վերջացել է... Անարգիր, հայր, ասա՛, լսում եմ...

ԱՆՏ. Դէ լաւ, դո՛ւրս, ինձ անհանգիստ միք անէ, իմ վճիռը վճիռ է, մի քիչ յետոյ Հաջի-

Փիլոսը կգայ և ամեն բան կվերջանայ: Ասում եմ, որ ես Աշոտին աղջիկ տուողը չեմ:

## Տ Ե Ս Ի Լ 4.

Նոյնք եւ Աոս

ԱՇՈՏ. (Ներս մտնելով. Միսակը նստում է ըազմոցին, միաները կանգնած են): Բարե ձեզ:

ԱՆՏ. (Աշոտին ոտից մինչև գլուխը շտիկելով): Ի՞նչ էք կամենում, պարոն:

ԱՇՈՏ. Ես եկել եմ ձեզանից խնդրելու ձեր դուստր Սաթենի ձեռք:

ԱՆՏ. Պարոն, ես էլ յայտնում եմ, որ ես ձեզ համար աղջիկ չունեմ, իմ աղջիկը նշանուած է և խնդրում եմ, որ շնորհքներդ պակսեցնէք:

ԱՇՈՏ. Պ. Անտօն, ես ձեզանից խնդրում եմ, որ քաղաքավարի լինէք, ես ձեզ ասում եմ, որ իբրև աղջկայ հայր ձեր համաձայնութիւնը տաք, եթէ ոչ ուրիշ կերպ կվարուեմ:

ԱՆՏ. (Զսպուած): Պարոն, դարձեալ կըրկնում եմ, որ ես իմ աղջիկը ձեզ արժան չեմ համարում և խնդրում եմ, որ վերջացնէք այս խօսակցութիւնը:

ՄԱՐԹ. (Աղաչական): Անտօն, Անտօն, տո՛ւր համաձայնութիւնը, ինչո՞ւ ես հակառակ:

ՄԻՍ. Հայր, աղաչում եմ:

ԱՇՈՏ. (Մօտենալով): Հայր, թո՛յլ տուր ձեռք համբուրելու:

ԱՆՏ. Ոչ, աւելորդ է աղաչանքը, խնդրում եմ, պարոն, չափաւորեք ձեր եռանդը և հեռանաք:

ԱՇՈՏ. Պ. Անտօն, ես ձեր հայրական իրաւունքը ճանաչելով՝ եկել և խնդրում եմ, հակառակ դէպքում ուրիշ կերպ կվարուեմ:

ԱՆՏ. Ի՞նչ, ուրիշ կերպ կվարուե՞ս, ես ձեզ ասում եմ հեռացէք այստեղից:

ՄԱՐԹ. Անտօն, Անտօն:

ՄԻՍ. (Վեր կենալով): Հայր, տուր համաձայնութիւնդ, արդէն ամեն բան վերջացել է, աղջիկ աղայ իրար սիրում են և իրար խօսք են տուել, օրհնիր:

ԱՆՏ. (ծաւառներով երեսը): Տօ, դուն էլ, դուն էլ. է, դուն էլ սիրահարուած ես, դուն էլ խօսք տուել ես:

ՄԻՍ. (Չայրոյթով): Անխիղճ մարդ, դարձեալ <sup>այս</sup> անարգում ես ինձ, ես այլևս չեմ կարող մնալ <sup>այս</sup> քրակի տակ: (Դուրս է գնում):

ՄԱՐԹ. Անտօն, ուղիղ որ դու անխիղճ ես, ի՞նչ ես ուզում հիւանդ աղայից, մի կտոր չոր հաց ես ուտեցնում, դա էլ քթիցն ես հանում:

ԱՆՏ. Քթից չէ, պնչից էլ կհանեմ. մի օր մի կոպէկ բերե՛լ է, մի օր ասել է թէ ես էլ մարդ եմ, պարտաւոր եմ փող աշխատել:

ՄԱՐԹ. Օ՛, անտանելի ես մարդ, փող, փող. փողի համար սպանում ես որդուդ, փողի համար ծախում աղջիկդ, փողի համար ցեխոտում պատիւդ, չեմ հասկանում:

ԱՆՏ. Է՛հ, զահլայ տարաք. (Բերանը ծոն-

լով): Պատիւդ ցեխոտում ես, աղջիկդ ծախում, ինչ կհրամայեք, այս անօթուն տամ աղջիկս, ինչ է սիրահարուած է:

ԱՇՈՏ. Պարոն, խնդրում եմ քաղաքավարի լինէք և ձեր խօսքերին չափ դնէք:

ԱՆՏ. Ի՞նչ էք ուզում, պարոն, խնդրում եմ որ հանգիստ թողնէք ինձ և հեռանաք այստեղից:

ԱՇՈՏ. Կհեռանամ, կհեռանամ, կարօտ չեմ քո դէմքին, ես ցանկանում էի, որ քո կամքով լինի, եթէ չի լինում, մեղաւորը դու ես:

ՄԱՐԹ. Անտօն, տուր համաձայնութիւնդ, խնդրում եմ:

ԱՆՏ. Չէ, չէ, անկարելի է: Դէ գնացէք, եղբայր, էլ ինչ էք կանգնել:

ԱՇՈՏ. Կգնամ, միայն ափսոս, որ ձեր հայրական պարտականութիւնները ի չարն էք գործ դնում:

ԱՆՏ. Այն, այն, դուք երբ որ աղջիկ կունենաք, ի չար միք գործ դնէ:

ՄԱՐԹ. Անտօն, Անտօն, աղաչում եմ:

ԱՆՏ. Սճւս, յիմար կին, ես իմ գործը գիտեմ:

ԱՇՈՏ. Ուրեմն, ցտեսութիւն, մեղքը ձեր վիղը:

ԱՆՏ. (Հեզկալաւս): Յտեսութիւն, ցտեսութիւն:

## Տ Ե Ս Ի Լ 5.

Նայե՛ք եւ Սարե՛ն

**ՍԱԹԵՆ.** (Ներս ատնելով եւ քռնելով Աշոտի ձեռքից): Ո՞ւր, կ'աց... (Աշոտը կանգնում է): Հայր, ես մինչև այսօր լուռ ու մունջ տանում էի քո բոլոր անտեղի պահանջները, համբերում էի քո ամեն տեսակ վարմունքներին, բայց այլևս չեմ կարող համբերել և ահա յայտնում եմ, որ ես Աշոտի նշանածն եմ: Տո՛ւր քո հայրական օրհնութիւնը:

**ԱՆՏՕՆ.** (Ապուշ կտրուած): Միայն ես անէծք կտամ ձեզ, ի՞նչպէս էք համարձակուում:

**ՍԱԹ.** Հայր, օրհնիր:

**ԱՆՏ.** Անիծուիք դո՛ւք, օրհնե՛նք, վայ խռով մնա ձեր գլխին այն տէրտէրի աջն ու խաչը, որը ձեզ պէտք է պսակէ:

**ՍԱԹ.** Վերջին անգամն եմ ասում, հայր, օրհնիր:

**ԱՆՏ.** Ո՛չ, ո՛չ, անիծում եմ...

**ՍԱԹ.** (Հացով): Ուրեմն մնաս բարեաւ իմ հայրական օջախ, մնաս բարեաւ իմ սիրելի մայրիկ: Օ՛, դառն է, դառն... գնանք: (Աշոտը եւ Սաթենը գնում են):

**ՄԱՐ.** (Յուզուած): Սաթեն, Սաթեն, կ'աց, խիր ինձ. (Յետոյ դառնալով Անտօնին): Ի՞նչ արիւր, ինչո՞ւ չօրհնեցիր, ինչո՞ւ մարդավայել չվարուեցար աղջկանդ հետ:

**ԱՆՏ.** Ա՛յ, դուն էլ, քո աղջիկն էլ, այդ բոլորը քո մեղքն է, դուն ես մեղաւորը, դո՛ւ. անիծուիք բոլորդ էլ, գետինը մանիք, էլ ո՛չ յարգ կայ, ո՛չ պատիւ: Դէ, դուրս, դուրս, թող ինձ հանգիստ: Օ՛, անէծք, անէծք ձեզ բոլորիդ, որքան լրբութիւն, որքան անզգամութիւն, թիւհ...  
**ՄԱՐԹ.** Մեղաւորը դու ես, դո՛ւ. խեղճ աղերանցը հայր չես, այլ դահիճ... (Հացով): Օրս խաւրեցիր, ինձ մաշեցիր, տանջեցիր, այն անասուած, անգատաստան մարդ: (Գնում է):

## Տ Ե Ս Ի Լ 6.

Անտօն միայնակ

**ԱՆՏ.** Ա՛յ խայտառակութիւն, ես հիմա ի՞նչ պատասխանեմ Հաջի-Փիլոսին, ի՞նչ ասեմ. մարդը առօք փառօք, բարեկամներով եկել է քաղաք, որ հարսին տես գայ, հարսը փախել է: Տեսնո՞ւր հարսը, տեսար համեստ, պարկեշտ աղջիկը... Յեխտեց, խայտառակեց ինձ... Վայ իմ անունը, իմ պատիւը, հիմա ամբողջ քաղաքը պէտք է խօսէ, թէ Անտօն Սիմօնիչի աղջիկը փախել է... Վայ, վայ, վայ... Լաւ, լաւ, կտեսնենք իբար, Աշոտ, սպասիր, ես քեզ ցոյց կտամ իմ տունը գալ և զօռով աղջիկս փախցնել... Դեռ ամեն բան ոչինչ, բայց արի տես, որ հինգ հարիւր ըուբլին էլ մարդը համբեց և ես էլ սնդուկս դարսեցի, իսկ այժմ պէտք է յետ տալ... Օ՛, Աշոտ, Աշոտ...

(Քիչ յուզուած մանգալով եւ սնդուկի առաջը կանգնելով): Հն, ուղիղ, սնդուկս բանամ տեսնեմ, սով գիտէ, կարելի է այստեղից էլ բան ման փախցրած լինեն, թէև կողպանքները ամուր են, բան կային տոմսերը իմ անունով, բայց սով դիտէ կարելի է հինգ հարիւր ըուբլին տարած լինեն... (Վախեցած, շտապ-շտապ, կողպանքները տընտղելով բաց է անում սնդուկը՝ երեսը խաշակնքելով): Ո՛հ, սչ տեղն են... (Դող-դող հարիւրանոցները համարելով): Մէկ, երկու, երեք, չորս, հինգ... Է՛, փառք Աստուծոյ: (Բանկային տոմսերը հանելով եւ փարուելով): Օ՛, ձեր հոգուն մեռնեմ, իմ սիրունիկներս, իմ կինս, տղաս, աղջիկս, իմ մխիթարանքս... (Յանկարծ դուռը բանալով ներս է մտնում Հաջի-Փիլոսը. Անտոնը վախեցած բանկային տոմսերը տեղն է դնում եւ սընդուկը շտապ-շտապ փակում):

### Տ Ե Ս Ի Լ 7.

Անտոն եւ Հաջի-Փիլոս

**ՀԱՋԻ-ՓԻԼՈՍ.** (Տէր ողորմեան քաշելով): Բարե, խնամի, ի՞նչ ես անում, փողերդ ես համարում,

**ԱՆՏ.** (Վեր կենալով եւ խոնարհութեամբ քարելով): Աստու բարին, ի՞նչպէս էք, լաւ էք. է, Հաջի-աղա, իմ փողերը սրտեղից, հին մին

բարաթներ կան, նայում էի: Խնդրում եմ նրստեցէք:

**ՀԱՋԻ-ՓԻԼ.** (Նստելով): Լաւ, լաւ, Անտոն խնամի, փող ինչու չունէք, ունէք, ունէք, Աստուած մէկին հազար տայ, փառք Աստուծոյ, ինչո՞ւ էք ուրանում Աստուծոյ տուածը:

**ԱՆՏ.** Է՛, Հաջի-աղա, մի երկու հազարը փող չէ, այ միլիոն, այն ժամանակ ուղիղ որ փող կլինէր, է, ուր է, ուր:

**ՀԱՋԻ-ՓԻԼ.** Է՛, խնամի, Աստուծուն փառք, եղածն էլ բաւական է. կանչիր խանում քրոջս, խօսքը վերջացնենք, հարսնատեսի ժամանակը որոշենք, որպէս զի երեկոյեան բարեկամներով գանք:

**ԱՆՏ.** Այդ բոլորը լաւ, բայց... (Ժողովին է քորում):

**ՀԱՋԻ-ՓԻԼ.** Ի՞նչ բայց, դէ թող ամեն բան այսօր վերջանայ: Երեի պատրաստութիւն չունես. եղբայր, հարսնատեսի համար սչ մի պատրաստութիւն հարկաւոր չէ:

**ԱՆՏ.** Այդ բոլորը լաւ, բայց... (Ժողովին է քորում):

**ՀԱՋԻ-ՓԻԼ.** Չեմ հասկանում ի՞նչ բայց, անցեալ օրը վերջացրինք պրծանք, մեր մէջ կարծեմ ոչ մի տարածայնութիւն չկայ:

**ԱՆՏ.** Ուղիղ է այդ բոլորը, բայց...

**ՀԱՋԻ-ՓԻԼ.** Էլ ի՞նչ բայց, խօսիր էլի:

**ԱՆՏ.** Հաջի-աղա, օջախս մարաւ, խայտառակ եղայ, գետինը մտայ, նամուսս կորցրի, էլ

ինձանից դժբախտ մարդ չկայ, աղջիկս փախաւ...

ՀԱԶԻ-ՓԻԼ. (Փափախը յետ զցելով): Ի՞նչ, աղջիկդ փախաւ...

ԱՆՏ. (Յաւագին գլուխը շարժելով): Այն, այն, խեղճ եմ ես, Հաջի-աղա, բնաւորութեամբ, պատուով խեղճ...

ՀԱԶԻ-ՓԻԼ. (Կրկնաւ): Դու նամուս չունիս...

Տօ, աղջիկդ փախաւ... Տօ, դու գլխիդ գլխարկ չունիս. ջարդէիր, սպանէիր, ծեծէիր, խեղդէիր...

Տօ, մարդ այնքան անշնորհք լինի, որ աղջիկը այդքան լրբանայ... Ո՛ւմ հետ փախաւ, ո՛ւմ...

ԱՆՏ. Ես ինչ գիտեմ, զրոյ ու մահի հետ, իր պէս մի լտօրի հետ:

ՀԱԶԻ-ՓԻԼ. Ո՛ւմ հետ, ո՛ւմ...

ԱՆՏ. Աշոտ վարժապետի հետ:

ՀԱԶԻ-ՓԻԼ. (Բռնագրօսիկ ծիծաղով): Հն, հն, հն... Աշոտի հետ, տեսար բանը, տօ, այն անօթու հետ. (Հեզնելով): Վարժապետ է, ինչ ասել է, կրթուած, զարգացած... Վնյ, վնյ, տունդ քանդուի, Անտօն Սիմօնիչ. բա նամուսդ, բա պատիւդ, թիւհ... (Տէրողորմւան կրքոտ քաշելով): Լաւ, լաւ, բայց, գիտցիր, Անտօն Սիմօնիչ, դու պատիւ չունես, ես ունեմ, ես նրա հէրը կանիծեմ, թող սպասէ, իմ հարսը փախցնեն, հն... (Բնխնրից ընկնելով): Դէ, եթէ ես նրա հախից չեկայ, սրանք թող հարամ լինեն: Իմ հարսը փախցնեն:

ԱՆՏ. Ուղիդ, շատ ուղիդ ես ասում, բայց ես ի՞նչ անեմ:

ՀԱԶԻ-ՓԻԼ. Ի՞նչ, այն կանես, որ բանի պատուած չեն, իրար հետ աշխատենք աղջիկդ յետ բերենք և Աշոտին մի կերպ մէջ տեղից վերացնենք:

ԱՆՏ. Լաւ, ես ի՞նչ կարող եմ անել որ:

ՀԱԶԻ-ՓԻԼ. Փող ծախսենք, սուտ վկաներ գտնենք, գրենք, մրենք, կորցնենք:

ԱՆՏ. Փող, Հաջի-աղա, մի երկու կողմէ կունեմ, հազիւ գլուխս եմ պահում, իմ փողը սրտեղից է:

ՀԱԶԻ-ՓԻԼ. Ի՞ դու աննամուս. հեշտ է, փողը ես կծախսեմ, միայն ինչոր կասեմ, դու այն գրիր, հասկացա՛ր:

ԱՆՏ. Լաւ, ինչու չէ. բայց ի՞նչով մեղադրենք նրան:

ՀԱԶԻ-ՓԻԼ. Ինչո՞վ... Մի բան կանենք... (Մտածելով): Հն. գտայ. միայն քեզ կասեմ, մարդու բան չասես, իմացա՛ր:

ԱՆՏ. Յիմար խօ չեմ, ինչու պէտք է ասեմ:

ՀԱԶԻ-ՓԻԼ. (Ետնադիտելով): Մեր տանը կեղծ փող կարելու մի մեքենայ կայ իր պարագաներով. գիտես, մտքիցդ բան չանցկացնես, իմ մի բարեկամինն էր, մեզ մօտ թողեց, մնաց ու մնաց. հն, մէկին կգտնենք և մեքենան, մի քանի հարիւր բուրլի կեղծ փող էլ հետը, մի կերպ կտանէ ու նրանց տան մէջ կպահէ, հասկացա՛ր. մի ուրիշի ձեռքն էլ մի կեղծ հնգանոց կտանք և կասենք այնպէս անէ, որ բնուէ և երբ նրան հարցնեն թէ սրտեղից, ասէ, որ Աշոտ



վարժապետից եմ առել, այն ժամանակ ոստիկանութիւնը խուզարկութիւն կանէ և ամեն բան կվերջանայ, հասկացար:

ԱՆՏ. Գեղեցիկ, գեղեցիկ:

ՀԱԶԻ-ՓԻԼ. Գիտես դուն էլ ինչ պէտք է գրես:

ԱՆՏ. Ո՛չ, ինչ պէտք է գրել:

ՀԱԶԻ-ՓԻԼ. Դուն էլ ոստիկանութեան մի անանուն նամակ գրի՞ր, թէ Աշոտ վարժապետը պարապում է դրամանենգութեամբ:

ԱՆՏ. Է, դրանով ի՞նչ:

ՀԱԶԻ-ՓԻԼ. Այն, որ նախ քան կեղծ դրամ բռնելը, կասկած կունենան Աշոտի վրայ և իսկոյն խուզարկութիւն կանեն:

ԱՆՏ. Գեղեցիկ, գեղեցիկ... Այս բոպէիս: (Նստում է սեղանի մօտ եւ սկսում է գրել անանուն նամակ, յետոյ կարդում է): «Ձերդ յարգութիւն պ. գաւառապետ, սրանով յայտնում եմ, որ Աշոտ վարժապետ Ազատեանը պարապում է դրամանենգութեամբ: Այս յայտնելով, իմ հաւատարիմ հպատակութեան պարտքն եմ կատարում: Մնամ ձեր խոնարհ ծառայ Անյայտ»:

ՀԱԶԻ-ՓԻԼ. Շատ լաւ, շատ լաւ, փակիր և տուր ինձ, ես կուղարկեմ:

ԱՆՏ. (Փակելով եւ յանձնելով): Համեցէք:

ՀԱԶԻ-ՓԻԼ. Իսկ ինչ վերաբերում է սուտ վկային, այդ ես կգտնեմ, բայց դու մէկը գտիր, որ Աշոտեանց տան ամեն մի ծակ ու ծուկը զիտենայ, որպէս զի մեքենան ու կեղծ փողերը տանի և նրանց տան մէջ տեղաւորէ:

ԱՆՏ. Այդ հեշտ է, մէկը կգտնեմ:

ՀԱԶԻ-ՓԻԼ. Այսօր այդ երկու մարդը պատրաստ լինեն, որպէս զի ասեն բան վերջանայ: Վկան ես կգտնեմ, միւսը քո պարտքն է:

ԱՆՏ. Լաւ, շատ լաւ:

ՀԱԶԻ-ՓԻԼ. Ուրեմն մնաս բարեաւ. (վեր է կենում): Հա՛, ուղիղ, գլխագին փողերը յետ տուր:

ԱՆՏ. (Շարժւած): Փողե՛րը:

ՀԱԶԻ-ՓԻԼ. Հա՛, ի՞նչ, բա փողերը հօ թողնելու չեմ:

ԱՆՏ. Կարելի է նորից եղաւ:

ՀԱԶԻ-ՓԻԼ. Երբ որ նորից եղաւ, այն ժամանակ ես էլ նորից կտամ:

ԱՆՏ. Լաւ, թող մնայ, երբ չեղաւ այն ժամանակ կտամ:

ՀԱԶԻ-ՓԻԼ. Ո՛չ, ո՛չ, իմ փողերը տուր:

ԱՆՏ. (Գլուխը թափահարելով, քանալինները հանելով եւ քաց անելով մնողները): Վայ Սաթեն, վայ Սաթեն, գետինը մանես դու... (Շորից գլուխը թափահարում է եւ ծուլութեամբ, պողողաչով հանում է հարիւրանցները եւ մէկ մէկ տալով Հազի-Փիլոսին): Մէկ... (Գլուխը թափահարում է): Հ՛ը... երկու... հ՛ը... երեք... հ՛ը... չորս... հ՛ը... հինգ... այդ է, հինգ հարիւր բութի եղբայր, չէ՞... հ՛ը... Գետինը մանես աղչի, գետինը... (Գլուխը թափահարում է):

ՀԱԶԻ-ՓԻԼ. Ուղիղ, հինգ հարիւր բութի, ուրեմն մնաս բարեաւ, երեկոյեան ճօճօյենց խանը բեր այն մարդուն: (Դուրս է գնում):

**ԱՆՏ.** (Դեռ չորսն անդուլի առաջ, տխուր  
կողտելով անդուլը եւ գլուխը թափահարելով):  
Հ'ը... ախոս հինգ հարիւր ըուբլի:

**Վ. Ա. Բ. Ա. Գ. Ո Յ Բ**

## ԳՈՐԾՈՂՈՒԹԻՒՆ Գ.

Տեսարանը ներկայացնում է մի փոքր գողտրիկ  
սենեակ, զարդարուած պատկերներով, մի կողմը գրա-  
սեղան իր զարդ ու զարդարանքով, միւս կողմը գըր-  
քեր իր դարակով. մի դուռ, դէմ ու դէմ երկու պա-  
տուհան. սեղանի վրայ մի լամպար իր գեղեցիկ լու-  
սամփոփով, աթոռներ, այս ու այն կողմը բաց դռքեր,  
թափթափուած թղթեր:

### Տ Ե Ս Ի Լ 1.

Առոս ու Սարեն

**ԱՇՈՏ.** (Թառը ձեռին նուագում է մի սըր-  
տառուչ եղանակ, Սաթենը մօտը նստած, զմայ-  
լում լսում է): Դէ, սաս, Սաթեն:

**ՍԱԹԵՆ.** (Սկսում է նոյն եղանակով նրգել):

«Սար ու ձոր ընկած,

Մէկ չոր թփի սակ,

Գեանին նայելով,

Մնացել եմ նստած»:

**ԱՇՈՏ.** Շարունակիր, հոգիս: (Ինքը ողետ-  
րում, ուժգնութեամբ խփում է թառի թելերին):

**ՍԱԹԵՆ.** (Շարունակում է):

«Ամպերն առաջիս,

Մարերն յետևիս,

Քեզ մտիկ տալով,

Այ իմ քաղցր Մասիս»:

ԱՇՈՏ. Օ՛, սիրունիկ երգ,  $\delta$ , սրտառուչ հայրենի մեղեդի, նրա ամեն մի խօսքը, նրա ամեն մի շեշտը զգայուն սրտի համար խոց է, զգայուն սրտի համար խոր վէրք: Շարունակիր, սիւ ելիս: (Զգացուած շարունակում է նուագել):

ՍԱԹ. (Շարունակելով):

«Նազլու, իմ Նազլու,

Անուշիկ Նազլու,

Աղասին քեզ տայ,

Իբ վերջին բարև»:

ԱՇՈՏ. (Թառը մի կողմ դնելով եւ զգացուած Սաթենին կրծքին սեղմելով ու համբուրելով): Ո՛չ, ո՛չ, Սաթեն, վերջին բարևս չեմ տայ, այլ կտամ քեզ իմ սիրատենչ համբոյրս: Օ՛, սիրտ իմ, արդեօք զգացել ես, սրանից աւելի բերկրանք, սրբան քաղցր է, սրբան անուշ, սիրելի Սաթեն:

ՍԱԹ. (Տխուր յենունելով Աշոտի ուսին): Այն քաղցր է, բերկրալի, անուշ, բայց և այնպէս իմ սիրտը տխուր է, Աշոտ. մի՞թէ մարդ իրանով պէտք է երջանիկ լինի, երբ մարդուս շուրջը փուշ և տատասկ է, երբ խմած ջրի մէջ խառն է արտասունք, երբ շուրջդ անհոգ քրքջի տեղ միայն սրտառուչ մղկտոցն է, մի՞թէ երջանկութիւնը կատարեալ է:

ԱՇՈՏ. (Ընդհարութեամբ): Մոռացիր, Սաթեն, ի՞նչ արած, աշխարհիս կարգ ու կանոնը այդ է:

ՍԱԹ. Տարօրինակ կարգ ու կանոն. մի՞թէ եղբօրս տանջանքն ու հիւանդութիւնը, հօրս գձուձութիւնը, մօրս լացն ու արտասունքը, փոքրը եղբայրներիս քաղցն ու ծւոցը կարգ ու կանոն է. բայց ինչո՞ւ է մեզ համար այդ այդպէս, իսկ ուրիշների համար այլպէս: Ի՞նչու համար մի ուրիշի հայրը բարի է, առատ, գթոտ, ուրախ, իսկ մերը Սասուած գիտէ թէ ինչպէս:

ԱՇՈՏ. Սաթեն,—մարդս ինչոր չէ, այն լաւ է,—ասում է առածը: Ո՞վ գիտէ, սիրելիս, թէ ուրիշները ինչով են դժբախտ: Դժբախտութիւնը ո՛չ չափ ունի, ո՛չ կշիռ և ո՛չ էլ յայտնի պատճառ: Այսօր դուք դժբախտ էք, որովհետեւ հայրդ գձուձ է, եղբայրդ հիւանդ, մայրդ մռայլ և տխուր. իսկ մի ուրիշը նոյնքան դժբախտ է, որովհետեւ չունի նոր տարազի շոր, որովհետեւ իր նշանածը լաւ չէ պարուժ, որովհետեւ մի ուրիշը աւելի հարուստ է, որովհետեւ երրորդի հետ աւելի սիրալիւր են քան իրան. —է, սիրելիս, յիմար բան է աշխարհս, յիմար, չի կարելի գիտենալ, թէ երջանկութիւնը սրտեղ է վերջանում, դժբախտութիւնը որտեղ սկսում. անծայր, անվերջ հակադիր են մարդկային իղձերը, որոնք իրար հետ զալարուած ընթանում են կեանքի հետ և եթէ ուզում ես, հէնց այդ զալարուած իղձերն է և կեանքը:

ՍԱԹ. Բայց և այնպէս դրանց մէջ զանազա-

հուսթիւն շատ կայ: Ո՞ւր է, թող մերոնք կեանքից մանր արտունջներ ունենային, ես բոլորովին չէի դբադուի նրանցով:

ԱՇՈՏ. Թո՛ղ, սիրելիս. թո՛ղ մենք հագենանք երջանկութեան գալարումների մէջ: (Համըուրում է): Կեանքը վարդի թուփ է, որի վերևը վարդն է, իսկ չորս կողմը փուռ:

ՍՍԹ. Այո՛, փուռ, ես այդ թփից երբ ուզել եմ վարդ քաղել, միշտ իմ ձեռները փշերն են ծակոտել: (Ձեռներով ընկնելով Աշոտի ուսին): Օ՛, սիրելիս, դժբախտ եմ:

ԱՇՈՏ. (Կրծքին սեղմելով): Է՛, սիրելիս, ես այս բոպէիս երջանիկ եմ, երջանիկ, որովհետև իմ կրծքին եմ սեղմում ինձ համար ամենաթանկ գազին էակին: Ես միայնակ էի աշխարհումս, իսկ այժմ յաւիտեան ինձ հետ կլինի իմ սրտի հատորը: Կեանքի մէջ կան բոպէներ, երբ մարդս կատարեալ երջանիկ է, և այդ միայն այն ժամանակ, երբ սիրոյ մէջ է ընկղմած, երբ սիրելու շունչն է իրան շոյում, երբ սիրելու թևերը մարդուս վզովն են փարուում: Օ՛, Սաթեն, յետ չնայենք դէպի կեանքը, մի բոպէ մոռանանք այն. փարուիր, սիրելիս, համբուրիր, գուրգուրիր, սէր, միայն սէր շնչէ, միայն սէր շնչայ... (Կաթօգին համըուրում է):

ՍՍԹ. (Մի թետով վզովը փարուելով, գլուխը յննելով Աշոտի գլխին, իսկ մի ձեռքով Աշոտի մազերը շոյելով): Քաղցր ես, պաշտելի ես, Աշոտ. այո՛, հազիւ հազ, ձեռքերս փշերով չանկոտելով,

կեանքի թփից պոկեցի քեզ. հոտոտեմ քեզ, իմ աղո՛ւ, իմ սիրո՛ւն, իմ հոտոտ վարդ: Կրծքիս մէջ կպահեմ քեզ, սրտիս ծալքերով քեզ կպարուրեմ, հոգուս շնչով քեզ կտաքացնեմ: Ի՞նչ է աշխարհը առանց սիրոյ, դատարկ, ամայի, ցուրտ, մռայլ մի բան իսկ սէրն է այն արևը, որը կեանք է տալիս մարդկութեան: (Համըուրում է):

ԱՇՈՏ. (Ձուարթ): Սաթեն, ես աւելին կաւեմ, սէրն է ամեն ինչ, եթէ չլինէր սէր որդու և հօր մէջ, սերունդ չէր շարունակուի, եթէ չլինէր սէր մարդկանց մէջ, եղբայր, բոյր գոյութիւն չէին ունենայ, եթէ չլինէր սէր դէպի մեքձաւորը, քաղաքակրթութիւն չէր լինի. (Սեղմելով կրծքին): Վերջապէս, եթէ չլինէր սէր իմ և քո մէջ, այս երջանիկ բոպէները չէինք ունենայ: Սիրենք իրար, Սաթեն: Սէր, գիտես որքան խորն է, որքան անուշ, որքան հզօր և պինդ. սէրն է մարդկութեան առանցքը, որի շուրջն է պտտում կեանքը: (Լսում են խառնուփնթոր ծայներ, թողնելով Սաթենին): Այս ի՞նչ է, (Մօտենում է պատուհանին և դուրս նայում): Զինուորներ, ոստիկան մեր դրան առաջ, տէր իմ Աստուած, այս ի՞նչ բան է:

ՍՍԹ. (Սփրտնած նայելով պատուհանից): Ուղիղ, այդ ի՞նչ բան է, Աշոտ:

ԱՇՈՏ. (Շուարում): Զգիտեմ:

## Տ Ե Ս Ի Լ 2.

Նոյնք, դասախագ, մի ոսիկանական սպայ եւ ոսիկան

**ՍՊԱՅ.** (Դուռը ընկալով): Կարելի՞ է:

**ԱՇՈՏ.** Կարող էք:

**ԴԱՏԱԽԱՉ.** (Ներս մտնելով սպայի եւ ոսիկանի հետ): Բարեւ ձեզ, մենք այստեղ եկել ենք յանուն օրէնքի, խուզարկելու ձեր տունը:

**ԱՇՈՏ.** Խուզարկելու մեր տունը, և ինչո՞ւ:

**ԴԱՏ.** Դուք մեղադրուում էք կեղծ դրամներ ծախսելու մէջ:

**ՍԱԹ.** (Ձարհուրուած): Ա՛...

**ԱՇՈՏ.** (Սփրտնած): Ներողութիւն, պարոն դատաւոր, ի՞նչ փաստերով...

**ԴԱՏ.** Փաստ, փաստեր կան...

**ԱՇՈՏ.** Խնդրեմ...

**ԴԱՏ.** Ի՞նչ ժամանակին կ'այտնենք, իսկ այժմ թոյլ տուէք խուզարկելու ձեր տունը:

**ԱՇՈՏ.** Հրամայեցէք, կարող էք: (Դատախազը եւ ոստիկանները սկսում են նայել ամեն ծակ ու ծուկ, դարակները դուրս են քաշում, զրքերի մէջ նայում, վառարանի մէջ, պատերը ձեռով թխկթխկացնում, ըայց սեննակում ոչինչ չեն գտնում: Այդ ժամանակ Աշոտն ու Սաթենը շուարուած նայում են իրար երեսին եւ նրանց երեսների վրա նշմարում է զարմանք):

**ՍԱԹ.** Աշոտ, ի՞նչ է այս:

**ԱՇՈՏ.** Ուղիղն ասած՝ չգիտեմ, զարմանում

եմ, ես և կեղծ դրամ. հէնց այժմս էլ իմ գրպանում մկներ են խաղում, իսկ ինձ մեղադրում են դրամանենգութեան մէջ. չգիտեմ:

**ՍԱԹ.** Չլինի՞ թշնամութիւն է:

**ԱՇՈՏ.** Ես թշնամի չունիմ:

**ՍԱԹ.** Ո՞վ գիտէ...

**ԴԱՏ.** (Սեննակի խուզարկութիւնը վերջացնելով): Այստեղ ոչինչ չկայ, խնդրում եմ մեզ առաջնորդեցէք ձեր տան միւս մասերը, եթէ այնտեղ էլ ոչինչ չգտանք, այն ժամանակ ոչինչ չունենք:

**ԱՇՈՏ.** Խնդրեմ, խնդրեմ... (Առաջնորդելով): Համեցէք: (Դուրս են գնում):

## Տ Ե Ս Ի Լ 3.

Սարեն միայնակ

**ՍԱԹԵՆ.** (Շփոթուած): Օ՛, կեանք, հազիւ էի վարդը պոկել և ուզում էի գուրգուրել, գրգուրել, դարձեալ փշեր: Արդեօք ի՞նչ կեղծ դրամներ են, սովբեր են մասնել. ինչ վերաբերում է Աշոտին, նա այդպիսի բաներով երբէք չէ պարապել, բայց թէ ի՞նչու կամ ի՞նչ փաստերով են կասկածում, դա էլ Աստուած գիտէ: (Մտածելով): Չլինի՞ թէ հօրս և այն անամօթ Հաջի-Փիլոսի լարած դարանը լինի. սով գիտէ. հայրս, որ գձուձ, անխիղճ մարդ է, մի կողմէ կի համար կզոհէ ամեն ինչ, իսկ Հաջի-Փիլոսը արդէն յայտնի անձնա-

ւորութիւն է: Ա՛խ, եթէ այդ այդպէս լինի, ինչ է լինելու իմ դրութիւնը, եթէ իսկապէս այդ մարդիկ սուտ վկաներով հաստատեն և դատապարտուի Աշոտը, այն ժամանակ ինչ եմ անում կեանքը... Կեանք, ինչ բան է, ամեն քայլափոխում ցաւ, վիշտ, հոգեկան փոթորիկ... (Դառն ժպտով): Երջանկութիւն, ինչ յիմար բառ, ինչ անբնական դարձուածք. ասել թշուառութիւն, դա հասկանալի է, որովհետեւ մարդկութիւնը մինչի վիզը միշտ խրուած է դրա մէջ: (Մայնզալով ընդմիջում): Ինչ յիմար բաներ եմ խօսում, ինչու ես կեանքի մէջ միայն մռայլն եմ տեսնում. Աշոտը արդար է, Աստուած մեզ հետ, ուրեմն նրան չեն կարող դատապարտել:

#### Տ Ե Ս Ի Լ 4.

Սաբեն, Աոս, Դասախագ եւ ոսթիկաններ

ԴԱՏ. (ներս են մտնում Աշոտը յուզուած, սփրտնած, նրա յետեւից Դատախազը, յետոյ ոստիկանները, որոնցից մէկի ձեռումն է մի կիսաքսաց փաթաթոց, որը եւ ղնում է սեղանի վրայ): Հիմա ի՞նչ կասէք, իմ պարոնս, այս փաստը կարծեմ բաւական է:

ԱՇՈՏ. Պարոն դատաւոր, Աստուած, երկինք, գետին, որ ես չգիտեմ, ես այդ տեսակ բաներով չեմ պարապում:

ՍԱԹ. Սփրտնած մտենալով Աշոտին): Ի՞նչ է, Աշոտ, ի՞նչ գտան, ի՞նչով են մեղադրում:

ԱՇՈՏ. (Յոյց տալով փաթաթոցը): Ահն, տեսնում ես, մեր ներքնայարկից գտան այս բոլորը, բայց ո՞վ է դրել, ի՞նչպէս են այդտեղ ընկել, ես այդ չգիտեմ:

ՍԱԹ. Ինչէ՞ր են դրանք:

ԱՇՈՏ. Կեղծ դրամի մեքենայ և կեղծ դրամներ:

ՍԱԹ. (Աղիողորմ ծիչով, ձեռները գալալով): Օ՛, դարձեալ փշեր, փոշ, տատասկ... Միայն, միայն փշեր... (Լաց է լինում):

ԴԱՏ. Աշոտ Ագատեան, ուրեմն խոստովանւում էք, որ դուք պարապում էք դրամանեղութեամբ:

ԱՇՈՏ. Ո՛չ, էլի կրկնում եմ, երգւում եմ ամենայն սրբութիւններով, որ ես չեմ պարապել և չեմ պարապում:

ԴԱՏ. Իսկ ռատեղից են այս բոլոր իրերը:

ԱՇՈՏ. Չգիտեմ, պարոն դատաւոր, մի՞թէ ես ընդունակ եմ այդպիսի բաների. հարցրէք մեր հարեաններին, տեղական ոստիկանութեան, բոլորին, բոլորին և վերջապէս ես մի խեղճ, աղքատ ուսուցիչ, ուր է իմ հարստութիւնը, ես կոպէկներով ապրող մարդ եմ, կեղծ դրամ ոչ տեսել եմ, ոչ տպել և ոչ էլ տարածել:

ԴԱՏ. Է՛, դրանք կեղծ խօսքեր են, ամեն մի մեղադրուող այդպէս է խօսում, դուք փաստ, փաստ բերէք:

ՍԱԹ. (Հացոտ): Պարոն դատաւոր, ես կեր-  
դուեմ իմ բոլոր սրբութիւններով, որ Աշոտը ան-  
մեղ է, զրպարտութիւն է, թշնամութիւն է...

ԴԱՏ. Ես այդ չգիտեմ, թէ նա անմեղ է,  
թէ մեղաւոր, բայց փաստերը նրան մեղադրում են:

ԱՇՈՏ. Փաստէ՞րը, բայց ինչ փաստեր, կա-  
րող է իմ թշնամիներից մէկը բերած և զրած  
լինի այդտեղ, ուրիշ ինչ փաստ:

ԴԱՏ. Առաջինը, որ փողոցումը բռնուում է  
մէկի մօտ մի կեղծ հինգ ըուբլիանոց. հարցնում  
են սրտեղից, նա ձեզ է ցոյց տալիս. յետոյ գա-  
լիս ենք ձեր տուն խուզարկութեան, կեղծ դրամ-  
ների մեքենան և նոյն հինգ ըուբլիանոցներից  
ձեր տանն ենք գտնում, բացի դրանից ոստիկա-  
նութիւնն էլ տեղեկութիւն ունէր և կասկա-  
ծում էր:

ԱՇՈՏ. տեղեկութիւն ունէր և կասկածում էր:

ԴԱՏ. Այո, երկու օր առաջ ոստիկանու-  
թիւնը մի անանուն նամակ էր ստացել, որտեղ  
գրում էին, որ դու գրամանենգութեամբ ես  
պարապում:

ՍԱԹ. (Հալով): Սուտ է, պ. դատաւոր,  
սուտ է...

ԱՇՈՏ. Այժմ ինձ համար մի բան պարզ է,  
որ սա կազմակերպուած զրպարտութիւն է:

ԴԱՏ. Փաստեր բերէք, փաստեր:

ԱՇՈՏ. Նամակ գրողն էլ իմ թշնամիները  
են, կեղծ գրամ ծախսողն էլ, այս պարագաներն  
գաղտնի կերպով իմ տան մէջ դնողն էլ:

ՍԱԹ. (Հեկեկալով): Օ՛, այդ բոլորը հայրս  
կլինի արած:

ԱՇՈՏ. (Մեղմուծեամբ փառաբանելով): Մի  
լար, սիրելիս, մի լար, Աստուած ողորմած է,  
կազատուեմ այս բոլորից:

ԴԱՏ. Պ. Ազատեան, խնդրում եմ, որ իմ  
հարցերին պատասխանէք և ոչ թէ ուրիշ բանե-  
րով պարապէք:

ԱՇՈՏ. (Թողնելով Սաթենին): Հրամայեցէք:

ԴԱՏ. Խոստովանուեցէք, որ դուք մեղաւոր էք,  
այս բոլորը ձեր գործն է և ցոյց տուէք ձեր միւս  
ընկերները:

ԱՇՈՏ. Պ. դատաւոր, ինչ որ ես չեմ արել,  
ինչպէս կարող եմ խօստովանուել և ինչպէս  
ցոյց տալ ընկերներ, բանի որ չունեմ:

ԴԱՏ. Պ. Ազատեան, մեղադրանքը պարզ է,  
փաստերը ակներև, միայն դուք ցոյց տուէք ձեր  
ընկերները:

ԱՇՈՏ. Ո՛չ, ես բողոքում եմ, ես մեղաւոր  
չեմ, դա զրպարտութիւն է. կանչեցէք այն մար-  
դուն, որի ձեռք բռնել էք կեղծ հինգ ըուբլիա-  
նոցը, խնդրում եմ կանչեցէք, նա դէմ ու դէմ  
ուժ չի ունենայ ստելու:

ԴԱՏ. Շատ բարի. (Դառնալով սպային):  
Ներս բերէք այն վկային: (Սպան գնում է): Այժմ  
կտեսնէք, որ արդարանալը ապարդիւն է: (Սպան  
ընկնում է վկային):

ԱՇՈՏ. (Տեսնելով վկային): Մարտիրոս,

դո՞ւ, դո՞ւ ես վիան, է՞ս եմ տուել քեզ կեղծ զրամբ:

ՄԱՐՏ. Այո, պ. Աշոտ, յիշո՞ւմ ես այն մի սայլ փայտը որ բերի, դուք այն ժամանակ տուիք:

ԱՇՈՏ. Տօ, եղբայր, իմ տուածը սպիտակ փող էր:

ՄԱՐՏ. Ոչ, ոչ, պ. Աշոտ, թղթադրամ էր:

ԱՇՈՏ. Չէս ամաչում, մի՞թէ երես առ երես կարելի է սուտ խօսել, խիղճ չունի՞ս, չէ որ դու այդ քո սուտ վկայութիւնով ինձ կխեղդես, կոչնչացնես:

ՄԱՐՏ. Պ. Աշոտ, ես ինչ անեմ, ես գօ՞հ եմ որ բռնուեցի, և եթէ գիտենայի թէ այսպիսի վատ հետևանք կունենայ, մի՞թէ խելագար էի, որ քո անունը տայի, բայց մի անգամ եղաւ, իսկ այժմ էլ չեմ կարող սուտ խօսել:

ԱՇՈՏ. (Ջղածագաքար): Չես կարող սուտ խօսել... Խեղճ, չես կարող ստել... Իսկ կարո՞ղ ես մի անմեղի զրպարտել, կարո՞ղ ես հարևանիդ ոչնչացնել... (Յոյց տալով Սաթենին): Կարո՞ղ ես այս խեղճին արտասուներէ մէջ խեղդել, խեղճ, սուտ չես կարող խօսել...

ՄԱՐՏ. Ես ինչ անեմ, պ. Աշոտ, ինձ էլ շատ ցաւ է, բայց երգումով կհարցնեն, ես չեմ կարող ստել:

ՍԱԹ. (Յուզուած): Մարտիրոս, Մարտիրոս, ի սէր քո որդկերանց, ի սէր քո մօր զերեզմանի, ի սէր քո սրբութիւնների, ճշմարիտ ասա՛, քեզ ո՞վ կաշառեց:

ՄԱՐՏ. Քոյրս, ինչե՞ր ես ասում, մի՞թէ ես անաստուած եմ, ինչ կաշառք, ինչ բան, չէ՞ որ մենք էլ մարդ ենք, մենք էլ հողի ունենք: Ես ինչ անեմ, ինչ մեղաւոր եմ... Ա՛յոտս կտարուէր, որ ես այն օրը ձեզ փայտ չբերէի:

ԱՇՈՏ. Ուրեմն պնդո՞ւմ ես:

ՄԱՐՏ. Այո՛, սուտ չեմ կարող խօսել, վախենում եմ խաչ աւետարանից, հողի ունիմ տալու:

ՍԱԹ. (Չոքելով Մարտիրոսի առաջ): Աղաչում եմ, պաղատում, ասա՛, ասա՛, ո՞վ կաշառեց քեզ:

ՄԱՐՏ. (Վեր կացնելով): Մեղայ, մեղայ, ի՞նչ ես անում քոյրս, ես ո՞վ եմ, որ իմ առաջ չորում ես: Աստուած, երկինք, գետին, որ ես ոչինչ չգիտեմ. այն օրը սև լինէր, որ չբերէի մի սայլ փայտը և ինձ չտայիք այդ թերմաշը:

ԱՇՈՏ. Ուրեմն պնդո՞ւմ ես:

ՄԱՐՏ. Ես ինչ կարող եմ անել, ես չեմ կարող ստել:

ԱՇՈՏ. (Յուզուած): Պ. Դատաւոր, այլևս ես ոչ մի պաշտպանութեան բան չունեմ, քանի որ մարդիկ այնքան լիրբ են, այնքան անխիղճ, որ երես առ երես ստում են, ուրեմն ես մեմեղաւոր եմ, վարուեցէք ինձ հետ, ինչպէս կամենաք:

ԴԱՏ. Պ. Ազատեան, առ այժմ քանի որ փաստերը այսպէս են դատաւորուած, ես պարտաւոր եմ քեզ կալանաւորել, մինչև որ կտես-



նենք, ինչ նոր փաստեր երևան կգան, ուրիշ փաստերով կարող էք հերքել այս մեղադրանքը:

**ԱՇՈՏ.** (Յուզուած): Ոչ մի փաստ չունեմ, տարէք ուր որ կամենաք:

**ՍԱԹ.** (Հացով փարուելով Աշոտի վզին): Աշոտ, Աշոտ, ինչէր ես խօսում, ո՞ւր ես գնում, դու կալանաւոր... (Հնկեկում է):

**ԱՇՈՏ.** (Կրծքին սեղմելով, փղծկուած): Ա՛, Սաթեն, Սաթեն, ես դրամանենք եմ, ես կեդտոտ եմ, գող եմ, աւազակ, խարզախ, ես, ես... Օ՛, հասարակութեան վատ անդամ եմ.—(Հնկեկում է): Ե՛ս... Օ՛, իմ թշուառ Սաթեն, այժմ ես մեռած եմ բարոյապէս... Իմ պատիւը, իմ նամուսը, իմ գուրգուրուած սէրը ինձ համար կորաւ... ան...:

**ՍԱԹ.** (Հացով): Մի ասիր Աշոտ, մի ասիր, դու անսեղ ես, այդ գիտեն բոլորը, մի ասիր...

**ԴԱՏ.** Պ. Ազատեան, բաւական է, ես ժամանակ չունեմ, գնանք գրասենեակ. այնտեղ արձանագրութիւն կկազմենք և յետոյ քեզ կուղարկենք բանտ:

**ԱՇՈՏ.** Գնանք... (Յուզուած Սաթենին փարուելով): Մնաս բարեաւ, սիրելիս, մնաս բարեաւ, իմ գուրգուրած, իմ փայփայած սէրս... Ա՛, այլես ո՞վ գիտէ մէկ էլ ե՞րբ...

**ՍԱԹ.** (Աշոտը դատախազի եւ ոստիկանների հետ գնում է. Սաթենը Աշոտի յետևից աղէկտուր): Աշոտ, Աշոտ, իմ սէր, կեանքի փշերը դարձեալ ծակոտեցին իմ ձեռները... Դարձեալ

փո՛ւշ, միայն փո՛ւշ մեր չորս կողմը... (Ջղաճըզաբար լաց է լինում. այդ ժամանակ գունաթափ, յուզուած ներս է մտնում Միսակը եւ մտնում Սաթենին):

## Տ Ե Ս Ի Լ 5.

Սաթեն եւ Միսակ

**ՄԻՍ.** Բո՛յր, քո՛յր, արիացիր, Աստուած ողորմած է:

**ՍԱԹ.** (Տեսնելով Միսակին եւ ընկնելով նրա թևերի մէջ): Ա՛, Միսակ, թշուառ ենք մենք, թշուառ...

Վ Ա Ր Ա Կ Ո Յ Ր

## ԳՈՐԾՈՂՈՒԹԻՒՆ Դ.

Տեսարանը ներկայացնում է միջակ մեծութեամբ մի սենեակ, մի դուռ, աջ և ձախ երկու պատուհան, պատերը սպիտակացրած, բեմի խորքում մի պարզ մահճակալ, կարկատած, բայց մաքուր անկողինով, որի մէջ պառկած է հիւանդ Միսակը: Այս ու այն կողմը հին աթոռներ, բեմի աջ կողմը պատուհանի տակ մի կիսամաշ, հին սեղան, բայց մաքուր սփռոցով, որի վրայ կայ մի հասարակ լամպար: Սենեակը անշուք, իրերը, առարկաները մաշուած, բայց իստակ:

### Տ Ե Ս Ի Լ 1.

Անտոն, Մարթայ, Սաբեն և Միսակ

(Միսակը հիւանդ, սարսափելի կերպով մաշուած քնած է անկողնում. Մարթան նրա մօտ նստած, թաշկինակը աչքերին, լուռ լալիս է, նրա մօտ կանգնած է Սաթենը տխուր, իսկ Անտոնը մըտածկոտ յիտ ու առաջ է գնում անշշուկ, տէրողորմեան քաշելով. խօսակցութիւնը կատարում է կիսածայն):

ԱՆՏ. (Կանգնելով): Մի լար, Մարթայ, Աս-

տուած ողորմած է, Միսակը շատ լաւ է և Աստուծով Սաթենիս հարսընտեսն էլ մի շաբաթից կանենք. Հաջի-Փիլոսը շատ է շտապում:

ՄԱՐԹ. (Հեզնելով): Լաւ է, շատ լաւ է... Ի հարկէ մի շաբաթից հարսընտեսը կանենք... Անտոն, ինչեր ես խօսում, Միսակը էլ մեզ օգուտ չունէ, նրա բանը պրծել է:

ՍՍԹ. Մի ասիր, մայրիկ: ॥

ՄԱՐԹ. էհ, Սաթեն, ինչ ասեմ, Աստուած տայ, որ այդպէս լինի, բայց... (Լուռ լալիս է):

ԱՆՏ. Դէ, վերջ տուր, ինչո՞ւ ես կենդանի մարդու վրայ լաց լինում:

ՍՍԹ. (Լացկոտ): Մայրիկ, վերջ տուր, Միսակը լաւ է:

ՄԱՐԹ. (Աչքերը սրբելով եւ դառնալով Անտոնին): Մարդ Աստուծոյ. մի բժիշկ բեր, մի ճար արա, այդպէս չի լինի, ասիւր բոլորովին ուշադրութիւն չես դարձնում աղի վրայ:

ԱՆՏ. էլի բժիշկ, այ կին, ասում եմ, որ բժիշկ, դեղ դատարկ բան է, եթէ Աստուած ուզում է, որ մարդս ապրէ, կապրէ:

ՍՍԹ. Հայր, բեր, ինչ կայ որ, թող օգուտ չունենայ, բայց էլի յոյս է:

ԱՆՏ. է՛, յիմարներ, եթէ օգուտ չունի, էլ ինչո՞ւ բերեմ, աւելորդ փող ունեմ, որ այդ խաբեբաներին տամ. ո՛չ, աւելի լաւ է աղօթենք և մեր յոյսը Աստուծոյ վրայ դնենք:

ՄԱՐԹ. Մեռնիմ Աստուծոյ ողորմութեանը, նրա ողորմութիւնը անչափ է, հէնց նրա ողոր-

մութիւններից մէկն էլ դեղն ու բժիշկն է, այդ բաները ստեղծել է, որ մարդիկ հիւանդ ժամանակները օգտուեն:

ԱՆՏ. Հերիք է, դատարկ-դատարկ դուրս տաս, ես այդ խաբեբաներին լաւ եմ ճանաչում, նրանք որ կան, փողի թակարդ են, եթէ բժիշկ բերեմ, գիտեմ, որ Միսակը էլ անկողնուց վեր կենալու չէ. նրան մի այնպիսի դեղ կտան, որ ոչ առողջանայ, ոչ էլ մեռնի, որպէս զի իրենք օգտուեն այդ բանից և փող կորզեն... Դարձեալ կրկնում եմ, որ յոյսերդ Աստուածանից միք կտրի:

ՄԱԹ. Հայր, ձրի բժիշկ էլ կայ, բարեգործական ընկերութիւնից խնդրիր, նրանք թէ բժիշկ և թէ դեղ կուղարկեն:

ԱՆՏ. Ես չեմ կարող խնդրտ ֆուտ մարդկանց բան խնդրել:

ՄԱԹ. Ես կխնդրեմ, ձեռքերը կհամբուրեմ կաղաչեմ, որպէս զի ուղարկեն. կարելի է մի ճար լինի, ինչ ձիւն տամ գլխիս եթէ... (Լաց է լինում):

ԱՆՏ. Բարեգործական ընկերութիւնից կը խնդրես, այ կին, քեզ ոչ բժիշկ կուղարկեն ոչ էլ դեղ:

ՄԱԹ. Ինչո՞ւ:

ԱՆՏ. Ես ինչ գիտեմ, մի քանի ժանգոտ կոպէկս նրանց աչքին բան է երևում, ասում են հարուստ ես, դուն էլ կարող ես:

ՄԱԹ. Փորձիր, հայր, ո՞վ գիտէ, կարելի է խղճացին, կարելի է յարգեցին խնդիրդ:

ԱՆՏ. Փորձել եմ աղջիկս, փորձել, բայց անպատուելով, դուռը երեսնիվերս ծածկեցին... է՛ այժմեան մարդիկը լիրբ են:

ՄԱԹ. Ա՛յ մարդ, դէ գոնեայ փողոցից մի հաւ, մի երկու ֆունտ միս առ հիւանդի համար, որպէս զի մնունդ լինի:

ԱՆՏ. Էլի ասում է. այ կին, հազար անգամ ասել եմ, որ հիւանդի համար միսը վրասակար է, չի կարող մարսել, նրան դիւրամարս կերակուր է պէտք, դիւրամարս, հասկանում ես, թէ ոչ...

ՄԱԹ. (Յուզուած): Բաւական է, բաւական, թող վերջապէս զձուձութիւնդ: Բժիշկ չես բերում, թէ խաբեբայ են, միս չես բերում, թէ դիւրամարս չէ, սպիտակ հաց չես առնում, ասում ես, որ հիւանդի համար սեր լաւէ: Մի խօսքով, որպէս զի կոպէկ չծախսես, էլ ինչ յիմարութիւններ ասես, որ չես անում... էլ բաւական է, այսօր կերթամ, կնկնեմ փողոցները, կմուրամ, կաղաչեմ, կպաղատեմ և տղիս համար բժիշկ, դեղ ու մնունդ կառնեմ... Ամօթ, ամօթ քեզ, մեռնում է տղադ, տես, տես ինչ օրի է, այժմս էլ կոպէկդ թանգ է այս ցաւագար—թշուառից... (Լաց է լինում):

ՄԱԹ. Հայր, հայր, Աստուծոյ սիրուն, մի ճար, մի օգնութիւն, խեղճ եղբայրս շատ ծանր դրութեան մէջ է:

ԱՆՏ. Օ՛, էլի սկսեցին. լաւ, լաւ, գնամ միս, հաց բերեմ, պրծանք. ո՞՞ էլ բան չէք ուղում:

**ՄԱՐԹ.** Դէ շուտ արա, օրը ցերեկ է եղել:  
**ԱՆՏ.** Ահա, ահա գնում եմ. Օ'... էգուց էլ  
 մի բան լինի, ինձ պիտի մեղադրեն: (Դուրս է  
 գնում):

### Տ Ե Ս Ի Լ. 2.

Նոյն առանց Անտոնի

**ՄԱԹԵՆ.** Մայրիկ, դուն էլ գնա Բարեգործա-  
 կան ընկերութիւնից խնդրիր, կարելի է քո խն-  
 դիրքը յարգեն:

**ՄԱՐԹ.** Մայրդ ինչ ձիւն տայ գլխին, գիտե՞ս  
 այն ժամանակ ինչ կբերէ իմ գլխին հայրդ:

**ՄԱԹ.** Երբ նրանից փող չի գնում, նա ամեն  
 բանի համաձայն է: Ախ, մեր թշուառութեան  
 պատճառը հօրս անչափ փողասիրութիւնն է:

**ՄԱՐԹ.** Չգիտեմ, չգիտեմ, Աստուծոյ պա-  
 տուհաս է, խեղճ երեխաներիս ջարդեց ու թո-  
 դեց:

**ՄԱԹ.** Հիւանդութիւն է մայրիկ, ինչպէս որ  
 մեզ է զրկում, այնպէս էլ ինքն է զրկուած... Դէ  
 գնա մայրիկ բանի ուշ չէ, ուզում ես ես կգնամ:

**ՄԱՐԹ.** Ո՛չ, ո՛չ, դու կաց, ես կգնամ: (Վեր-  
 ցնելով շալը): Սաթեն, Միսակին լաւ նայիր,  
 ես իսկոյն կգամ: (Գնում է):

### Տ Ե Ս Ի Լ 3.

Ս. րեն եւ Միսակ

**ՄԱԹԵՆ.** (Ուղղելով եւ ծածկոտելով Մի-  
 սակին, որը դնո քնած է, յետոյ Միսակի մօտ  
 աթոռի վրայ նստելով): Ի՞նչ դրութիւն է մեր  
 դրութիւնը, ապրում ենք իլեղճ, քաղցած, մաշ-  
 ուած. գուրկ ենք բարեկամների, ազգականների  
 գգուանքից: Բոլորի ծաղրի, ծանակի առարկան  
 մենք ենք և այս բոլորը ինչ՞ու, որովհետեւ հայրս  
 բարոյապէս հիւանդ է, ժլատ է, ագահ... Եւ այդ  
 բոլորի հետևանքն այն է, որ մայրս դժգոհ այս  
 բոլորից, ջղերը միշտ գրգռուած, հասել է ապ-  
 շութեան. հայրս ոսկին ամուր պահելու համար  
 դառել է մի անտանելի, մի անզգայ մարդ. եզ-  
 բայրս ահա մահամերձ ընկած է անկողնում, իսկ  
 ես... Վայ ինձ... Բռնի զսպում եմ քայս, կուլ  
 եմ տալիս արտասուներս, խեղտում վիշտս, բռնա-  
 գրոսիկ ժպտում, հաճոյանում հօրս, որպէս զի  
 եղբայրս, այս խեղճ, անձար, նահատակ էակը և  
 մայրս, այդ բազմաշարժար Մարտիրոսը, այդ ա-  
 դահութեան, ժլատութեան ճանկերի տակ ճմլուած  
 ծնողս, զոնեայ ինձանով մխիթարուեն, զոնեայ  
 նրանց վշտի, լացի, արցունքի արանքից, ժամա-  
 նակ առ ժամանակ իբր յուսոյ ճառագայթ, փայլայէ  
 իմ կեղծ խինդն ու ժպտը: Բայց անտանելի  
 է, անտանելի, թոյլ եմ, անզօր եմ, չեմ կարող  
 մինչև վերջը տանել՝ զրկանքը ահագին է. դեռ մի

կողմը այս բոլորը, միևս կողմից էլ իմ հոգին տանջում է իմ հեգ Աշոտը... նա ինչով է մեղաւոր, որ այժմ մութ բանդում ֆիզիքապէս և բարոյապէս տանջուելով, սպասում է իր վճռին և ո՞վ գիտէ թէ էգուց էլ դէպի ո՞ւր պիտի առաջնորդէ խեղճին կոյր բախտը. դէպի հիւսիս, դէպի յաւիտենական սառնամանիք, թէ՛ դէպի մութ բանդերի խեղճող որջերը... և այս բոլորը ինձ համար... այս բոլորի հեղինակը հայրս... Հայր, հայր, ո՞հ ինչո՞ւ պատճառ դառար ինձ այս փշոտ աշխարհը մտնելու և ինչո՞ւ այսօր էլ տանջում ես ոչ միայն մեզ, այլ մեզ հետ և ուրիշներին... Եւ դեռ չնայած այս բոլորին, նա դեռ ինձանից պահանջում է իմ համաձայնութիւնը Հաջի-Փիլոսի հարսը լինելու...

ՄԻՍ. (Յանկարծ ձեռները պարզելով ևւ գոչելով): Մի, մի... թո՛ղ... բաւական է:

ՍԱԹ. (Ծովելով դէպի հիւանդը): Ի՞նչ է Միսակ:

ՄԻՍ. (Թոյլ): Ա՛ք քոյր, դո՞ւ ես... Սաթեն, ո՞ւր է այն գեղեցիկ պատանին:

ՍԱԹ. Ո՞ր:

ՄԻՍ. Քիչ առաջ որ այստեղ էր:

ՍԱԹ. Այստեղ ոչ ոք չկար:

ՄԻՍ. Ո՛չ, կար, կար... դու այնտեղ չէիր, միայն ես և նա էինք:

ՍԱԹ. Երազ կլինի, Միսակ:

ՄԻՍ. (Հիւանդ ժպտով): Հ՛ը, երազ... ամեն

բան էլ երազ է և ինչ գիտենք, որն է իրականութիւնը:

ՍԱԹ. Քաղցած չէս Միսակ, մի բան բերեմ կեր:

ՄԻՍ. Սաթեն, Օ՛ք, քիչ առաջ ես շատ լաւ տեղ էի, ափսոս, ափսոս, ո՞րքան մարդիկ երջանիկ էին այնտեղ... Ո՞րքան գրաւիչ էր այն:

ՍԱԹ. Ի՞նչ մարդիկ, ո՞րտեղ...

ՄԻՍ. Է՛ սիրելի քոյր, գո՛ւր թողի, գո՛ւր...

ՍԱԹ. Միսակ, ինչեր ես լսում, երազ կլինի...

ՄԻՍ. Երանգ... հա՛, կարելի է, միայն լաւ էր... Սաթեն, ես իբր թէ ծաղկոտ բլրակի լանջին եմ և մտիկ եմ տալիս դէպի քաղաք... բայց ինչ որ տարօրինակ բաներ եմ տեսնում, քաղաքը բոլորովին փոխուել է, էլի միյարկանի, բայց շատ գեղեցիկ տներ, լայն փողոցներ, երկու կողմը ծառուղիներ, տների յետևը գեղեցիկ պարտէզներ, չորս կողմը ծառ, ծաղիկ, աղբիւր, իսկ այդ բոլորի մէջ մարդիկ, բայց ոչ մեզ նման... ուրախ, գլարթ, երջանիկ...

ՍԱԹ. Դէ փառք Աստուծոյ, ի հարկ է երջանիկ կլինեն:

ՄԻՍ. Թո՛ղ, թո՛ղ պատմեմ... Շուրջս եմ նայում, որպէսզի մէկին տեսնեմ և հարցնեմ թէ սխալ հօ չե՞մ և քիչ հեռուն տեսնում եմ մի սիրուն պատանի, բարեւում եմ, նա հարցնում է. «Ինչ ես կամենում...»

ՍԱԹ. Միսակ, կյոգնես, վերջ տուր...

ՄԻՍ. Թող Սաթեն, թող պատմեմ... Ես հարցնում եմ, այս երևացող քաղաքը—Նոր-քաղաքը—չէ... «Այն» պատասխանեց նա է, «եթէ կամես գնանք»: Այս ասելով, նա իմ ձեռից բռնած քայլերը ուղղեց դեպի քաղաք... Մենք սկսեցինք արագութեամբ իջնել, մի երկու ըոպէից քաղաքումն էինք, բայց ո՞վ զարմանք, ձորերը, ժայռերը, լեռները, բնութիւնը նոյն իսկ մարդիկ և հիմնարկութիւնները փոխուած: Տները միատեսակ, վերին աստիճանի պարզ ճաշակով և գեղեցիկ... Փողոցները մաքուր... չորս կողմը վճիտ աղբիւրներ... ծառեր, ծառեր, ու ծառեր... Իսկ մարդիկ ուրախ զւարթ, անհոգ, երջանիկ: Ես ապշած շուրջս եմ նայում, իսկ նրանք ապշած ինձ են նայում... Ես ամաչում եմ իմ մաշուած երեսից, իմ անձոռնի հագուստից... Իսկ նրանք ցաւակցում են ինձ... Վերջապէս, երկար շրջելուց յոգնած, առաջարկեցի ընկերիս, որ քաղցած եմ, գնանք մի բան առնենք. նա ապուշ կտրած նայում է ինձ և հարց տալիս: «Առնել...» Հա, մի երկու ֆունտ հաց առնենք, ամաչում էիք ցոյց տալիս մի հինգ կոպէկանոց. նա զարմացած պատասխանում է ժպտալով. «բարեկամ, դա փող է, իսկ փողը դարեր առաջ ուժ ունէր, այժմ ամեն բան ձրի է...» Ձրի, ո՞չ, ո՞չ, անկարելի է, ո՞վ ձրի ինձ հաց կտայ... ասում եմ ես. «կտան, կտան.» ժպտալով պատասխանում է նա. «փողը ուժ ունէր յիմարութեան շրջանում, իսկ այժմ

երջանկութեան շրջան է...» (հազում է): Մի շուր տուր Սաթեն:

ՍԱԹ. (Ջուրը տալով): Բաւական է, Միսակ:  
ՄԻՍ. (Ջուրը խմելով և քաժակը վերադարձնելով): Լաւ, Սաթեն, կարճ կպատմեմ... (Քիչ կանգ առնելով և հազալով): Յիմարութեան շրջան... աչքերս չա՞ծ հարց եմ տալիս ես. «Այն» պատասխանում է նա. «Դա դպրեր առաջ էր, իսկ այժմ ո՞չ փող կայ, ո՞չ հարստութիւն, ո՞չ զրկանք, ո՞չ բարիք, ո՞չ չարիք... Այժմ բոլորը երջանիկ են, որովհետև բնութեան հարստութիւնը բոլորինն է և դրա համար չկայ ազահութիւն... ազահութիւն չլինելով, չկայ բռնութիւն, կեղեքում, գողութիւն, սպանութիւն... դրանք չլինելով, չկայ թշուառութիւն, այլ կայ միայն երջանկութիւն, դրա համար այժմ բոլորը երջանիկ են, իսկ շրջանը կոչւում է երջանկութեան շրջան... Իսկ հին դարերում, երբ ոսկին էր իշխում, իմաստուն մարդիկ կոչեցին այդ շրջանը—յիմարութեան շրջան:—Ուզում ես գնանք յիմարութեան շրջանի թանգարանը, ցոյց տամ քեզ—Ոսկու կառքը—, որին մի ժամանակ երկրպագում էին մարդիկ...» Այս ասելով, ինձ քաշ տուեց դէպի թուխ քարից շինուած մի մտայլ շինութիւն, երկաթեայ հաստ դռներով, որի դռան վերևը գրուած էր մեծ, մեծ տառերով. «Յիմարութեան շրջան...» Ներս մտանք, դռան յետև ինձ դէմ դիպան երկնագոյն քարից կերտուած երկու խոժոռ մարդիկ. ես ցնցուեցի՝ տեսնելով ինձ ծա-

նօթ դէմքեր. ընկերս ժպտաց և ասաց. «Մի վախիր, դրանք դարեր առաջ էին, իսկ այժմ քարից են շինուած...» Այս ասելով շտապ առաջ անցանք, իմ աչքերին մէկը միւսի յետևից պատկերանում էր մեր կեանքը, թշուառութեան և զրկանքի մի քաօս. այդ բոլորը տեսնելով, յուզուած՝ ես լաց էի լինում, իսկ իմ ընկերը ժպտում... Սաթեն, մի շուր... վառում եմ:

ՍՍԹ. (Ջուրը տալով): Բաւական է, Միսակ... (Ձեռը ծակատին դնելով): Տես, որքան տաք ես...

ՄԻՍՍԿ. (Դող, դող, նուազ ծայնով): Թող վերջացնեմ... (Կանգ առնելով և յետոյ շարունակելով, կերկեր): Պատանին տեսնելով իմ արտասուկը, քաշ տուեց ձեռիցս, տարաւ առաջ և մատով ցոյց տալով, ասաց: «Ահա, տես...» Եւ ուղիղ, իմ աչքին պատկերացաւ բրոնզից ձուռուած մի հուժկու մարդ, լայն թիկունքով, հաստ բազուկներով, անյողդողդ ոտներով և խոժոռ դիմագծերով մի ահարկու արձան, որի յաղթ տեսքը ցոյց էր տալիս նրա անպարտելի, հսկայական ուժը և որի ճակատին գրուած էր—Ոսկու կուտք...—Կուտքը աջ ձեռով բռնած ունէր մի զրօշակ, որի վրայ լուսեղէն տառերով գրուած էր... (Ցոյց տալով, և րեւակայութիւնը խառն): Տես Սաթեն, այժմս էլ է երևում... Տես... (Իջր կարդում է):—Ես եմ այն, որ կքանդեմ, կկրակեմ, կաւերեմ գիւղեր, քաղաքներ: Ես եմ այն, որ հսկայական մարդկային սպանդանոցներ կստեղծեմ,

որտեղ բիւր բիւրոց մարդիկ զոհ կբերուեն ինձ, որտեղից արեան գետեր բղխելով, կարմիր կներկեն լեռներ ու դաշտեր... Ես եմ այն, որ հըրդեհները բոցով կլուսաւորեմ աշխարհը, իսկ լաց ու կականով կլցնեմ երկիր... Ես եմ այն, որ հարազատը հարազատի դէմ կկանգնեցնեմ, մարդը կնոջ, եղբայր եղբօր, որդին հօր... Ես այն եմ... հօր, անպարտելի, հուժկու, կղողայ ինձանից աշխարհը... Լսիր, սրբան սրտառուչ, սրբան քստրմնեցնող նուազ է, զիտէք ինչ երաժիշտներ են և ինչ երաժշտական գործիքներ: Դա անտերուսնչ որբիկի աղէխարշ հոգոցն է, թշուառ այրիի ողբ ու լացն է, մերկանդամ աղքատի ցրտից սըրսըռացող առամները կթկթոցն է... Լսիր, և ականջիդ է հասնում ծիծաղի, քրքիջի ու անհոգ խօսակցութեան ձայներ, լսում ես զոռ նուազը, երգն ու տաղը...

ՍՍԹ. Միսակ, ինձ լսիր, թող դրանք:

ՄԻՍ. Սաթեն, Սաթեն, ինչո՞ւ ես խանգարում... Տես, տես, դրանք երջանիկ մարդիկ են, որոնք գալիս են արձանին երկրպագելու... Ձես տեսնում, Սաթեն, գունդազուստ մարդիկ են գալիս աղօթելու չաստուած... Օ՛, տես, անընդհատ գլուխների շարքեր... խոնկի, մոմ և անպայման հնազանդութիւն... Ահա, ահա, չաստուածն էլ հրճուեց: Օ՛, ինչ դիւային պար սկսեց, պար, որի ամեն մի թռիչքը օրհասական է նրա համար, ով չաստուածի ոտների տակ կընկնէ, իսկ հըրճուանք ու բերկրանք է նրա համար, ով ճար-

պիկութեամբ կընկնէ չաստուածի գիրկը և կվայե-  
լէ նրա անսահման բարիքը...

ՍԱԹ. Միսակ, Միսակ...

ՄԻՍ. (Աչքերը շուտ նայելով Սաթենին):  
Սաթեն, դ՞ու ես... (Ընդմիջում): Հն, չաստուածը  
դեռ պարում է, իսկ նրա շուրջը պարում է ամ-  
բողջ մարդկութիւնը, պարում և չի յագենում...  
Սաթեն, Սաթեն, հայրս էլ... տես... պինդ բըռ-  
նած մօրս մազերի ծամերից, մարդկանց շար-  
քերը ճեղքելով, քաշում է նրան դէպի չաստ-  
ուածը... Ա, ուզում է չաստուածի ոտները տակ  
նրան էլ գոհել... (Ծշարով ձեռները մեկնած):  
Մի, մի, թո՛ղ, բաւական է...

ՍԱԹ. Միսակ ինչէ՞ր ես ասում...

ՄԻՍ. (Մոլոր շուրջը նայելով): Սաթեն դ՞ու  
ես... Մի շուր... Օ, ո՛ղ, ո՛ղ... (Սաթենից առ-  
նելով քաժակը, դողդող խմում է ջուրը և քա-  
ժակը յետ տալիս): Կնւրծքս... Սաթեն, կնւրծ-  
քս... Օ, ո՛ղ, ո՛ղ սուր... Օ՛ Աստուած... Սաթեն,  
ինչու մթնեց... (Հիանդ ժպտով, երեւակայու-  
թիւնը նորից խառնուելով): Հն, դէպի երջանկու-  
թիւն, դարձեալ եկար պատանի... ահա եկայ, մի  
թողնիր ինձ... քոյր, Սաթեն... գնում եմ, գնում  
դէպի երջանկութիւն... (Ձեռները թուլանում,  
ընկնում են և մեռնում է):

ՍԱԹ. (Շփոթուած, վախեցած, յետոյ ա-  
կանջը մօտեցնելով քերանին, կրծքին, աղիողորմ  
էլում): Մեռա՛ւ, մեռա՛ւ... Միսակ, Միսակ...  
(Կանգ առնելով և մտածելով, յետոյ հանգիստ):

Բայց նա ասում էր, որ գնում է դէպի երջանկու-  
թիւն, ուղիղ որ երջանկութիւն: Տեսէ՞ք, տեսէ՞ք,  
մորթան հանգիստ է, ոչինչ չի զգում, նա այլևս  
ոչ մի տենչ, պահանջ չունէ... հանգիստ է, շատ  
հանգիստ... իսկ ես, ես թշուառս... Օ՛, պէտք  
չէ ինձ կեանք, պէտք չէ լոյս, արև, մարդիկ,  
պէտք է հանգստութիւն, յաւիտենական հանգիստ,  
որի մէջ է և երջանկութիւնը... (Շտապ, շտապ  
ընկնելով սեղանի արկղը և այնտեղից հանելով  
մի փոքրիկ փաթաթոց, փաթաթոցը ձեռի մէջ  
ընկնած): Ահա իմ հարստեսի հրաշալի ընծան...  
Ո՛չ, հայր, սխալում ես, միթէ Հաջի-Փիլոսի ոս-  
կին ինձ համար աւելի արժէք ունի, քան թէ  
սա... Օ՛, գօրեղ, ազգու բալասան, ես վաղուց  
էի քեզ զգում, գուրգուրում, վաղուց էի ուզում,  
որ քեզանով վերջ տամ ցաւերիս, բայց խղճում  
էի ցաւազար եղբօրս, որպէսզի նրա խոցոտ սիր-  
տը աւելի չմորմոքեցնեմ. խղճում էի մօրս, որ-  
պէսզի թշուառը բոլորովին չցնդվէր, խղճում էի  
Աշոտիս... Աշոտ, Աշոտ, ներիր ինձ, միկնոյն է,  
այլևս իրար հետ չենք կարող լինել, ուր հիւսիսի  
հանքերում աշխատող շոթայակապ բանուորը, ուր  
ես խեղճ անձարս... ներիր և դ՞ու մայր, բազմա-  
չարչար, կեղեքուած խեղճ կին... (Լաց լինել-  
ով): Չեմ կարող, թոյլ եմ. հանգիստ, հանգիստ  
եմ որոնում... (Մեղմ ժպտալով և թղթէ փա-  
թաթոցը դիտելով): Չարմանք, Ամբողջ մարդ-  
կութիւնը իր իմաստութեամբ, հարստութեամբ  
այն չեն կարող անել, ինչ որ անում է այս չըն-



չին փոշին... Դու բարի ես, դու աւելի զթա-  
ցող ես, որովհետեւ մարդիկ իրենց կրքերով խան-  
գարում են իմ հանգիստը, իսկ դու քո ոչնչու-  
թիւնով հանգիստ ես պարգևում ինձ, իմ տեն-  
չանքին լիութիւն տալիս... (Շտապ առնելով ըս-  
տակով ջուրը, դողող ըանալով փաթաթոցը, փո-  
շին ջրի մէջ է լցնում. յետոյ ըստակը բարձրա-  
ցնելով): Դժուար է, դժուար, կեանքը քաղցր  
(Բաժակը յետ դնելով): Ո՛չ, ո՛չ... դազանդ... գե-  
րեզման... սարսափելի է... կեանքը քաղցր է...  
բայց ո՞ւր պարզեմ իմ մորմոքը. իմ վիշտը, իմ  
լեռնացած ցաւը... Ո՞ւր է իմ Աշոտը, ո՞ւր է Մի-  
սակը... չկան, թշուառ եմ, թշուառ... Ո՞ւր է  
գոնեայ երջանկութեան փոքրիկ նշոյն անգամ...  
(Առանց երեսը դարձնելու, խլում է ըստակը եւ  
կուլ տալիս հեղուկը): Վերջացաւ, պրծաւ, մի  
քանի ըոպէ միայն հիւր եմ այս աշխարհում, իսկ  
յետոյ դէպի անհունը... (Նստելով Միսակի մահ-  
մակալի ափին, զգուելով Միսակին եւ շփելով  
մազերը): Միսակ, Միսակ, ես էլ եկայ դէպի  
քեզ, ո՞ւր է պատանին, թող ինձ էլ առաջնորդէ  
դէպի երջանկութիւնը... Օ՛, որքան սառն ես, բայց  
և այնպէս որքան հանգիստ... (Դուռը բացում է,  
ներս է մտնում Մարթան. Սաթննը սփրտնած  
վեր թռչելով. կանգնում է):

## Տ Ե Ս Ի Լ 4.

Նոյն եւ Մարթա

ՄԱՐԹ. Սաթեն, ի՞նչու ես այդպէս դժգոյն:

ՍԱԹ. Ոչինչ:

ՄԱՐԹ. (Ահաբեկ): Միսակը ի՞նչպէս է:

ՍԱԹ. Լաւ է, քնել է:

ՄԱՐԹ. Քնել է... Իսկ դու ինչու ես դո-  
ղում:ՍԱԹ. Ոչինչ... այնպէս... Օ՛, Մայր, մայր...  
(Թուլացած ընկնում է աթոռի վրայ): Արիացիր,  
բան չկայ... Միսակը լաւ է... (Դողում է):

ՄԱՐԹ. (Սարսափած): Սաթեն, Սաթեն...

ՍԱԹ. (Դողողոյալով, աթոռի վրայ յետ ընկե-  
լով եւ մտնելով): Մայր, մայր...ՄԱՐԹ. (Հեծկտոցով աղիողորմ): Սաթեն,  
աղջիկս... ի՞նչ ձիւն տամ գլխիս, ի՞նչ անեմ...  
Սաթեն... (Մազերը պոկելով): Վայ իմ ջիւան  
բալաս... Թոյն, Թոյն ես ընդունել... (Ծնկերին  
խփելով): Օգնութիւն, օգնութիւն... Միսակ,  
Միսակ, քոյրդ... (Նայելով Միսակին, յետոյ  
սփրտնած, մազերը քեզ քեզ յետ ընկնելով եւ  
թիք կանգնելով, աղիողորմ, սառն): Միսակն  
էլ... հո՛, Միսակն էլ... (Մի երկու վայրկեան  
լուռ, յետոյ զարհուրելի մշով): Արցունք չկայ—  
չորացել է, ջղեր չկայ—մաշուել է, հառաչ չկայ  
—խեղդուել է... ես, ես... (Ընդմիջում, յետոյ  
ցընցելով խնայող): Բայց... ես ի՞նչ եմ, Մի-


սակս հանգիստ քնել է, Սաթենս էլ նոր է աչ-  
քերը փակել, իսկ ես գոռ ու գոչումով խանգա-  
րում եմ նրանց քունը... (Խելառ): Սոս, սոս  
ցնդած կին... (Խելառ խելառ ծածկում է Մի-  
սակին, գրկում է Սաթենին և նստելով յատա-  
կին գզուշուժեամբ համբուրում է Սաթենին)  
Քնել են բալաներս, քնել...

### Տ Ե Ս Ի Լ 5.

Նոյնի եւ Անտոն

ԱՆՏ. (Մոայլ ներս մտնելով և միան ու  
սպիտակ հացը շարտելով սեղանի վրայ): Պրծանք,  
ահա հացն ու միսը: (Քիչ առաջ գալով տեսնում  
է Մարթային գրկած Սաթենին, վախեցած կանգ  
է առնում, մեղմ): Մարթա, Մարթա, ինչու ես  
գրկել Սաթենին...

ՄԱՐԹ, (Խելառ, կատաղի հայացքը զցելով  
դեպի Անտոնը, կամացուկ): Սոս, սոս, քնել են  
բալերս...

ԱՆՏ. (Սփրտնած թաթերի վրայ առաջ է  
գալիս դեպի Միսակը և խայթուածի նման յետ  
ընկրկելով): Մեռած է... (Յետոյ սարսափահար  
յետ է նայում դեպի Սաթենը): Սաթենն էլ...  
(Մոայլ, հստոտ, սարսափած): Իսկ կինս էլ խեն-  
թացել է... (~~Մի երկու վայրենի լուս, մտածու-  
յալ, յետոյ սկսում է մեղմ լալ և թաշկինակով  
աչքերը սրբելով~~): Բայց որդեք ես մեզադր

Հարություն

«Ազգային գրադարան



NL0352907

47092

ԲՈՒԿՆԵՐ ՏԻ  
ԳՐԱԴԱՐԱՆ  
2018

ԳԻՆՆ Է 30 ԿՈՊ.